

四庫全書

史部

欽定四庫全書

資治通鑑前編卷九

宋 金履祥 編

己丑周昭王元年二年子滿生

周內史過曰昔昭王娶于房曰房后實有爽德

協于丹朱丹朱馮身以儀之生穆王焉 按此說左氏不載別見國語事頗詘怪以儀禮黃氏傳取之今附其

畧十有四年魯侯弟潰弑其君幽公而自立

是為魏公世家曰幽

公十四年弟潰殺幽公而自立是為魏公 世本作微公

履祥按弑君爭國之禍自是始而昭王不能討失政甚矣史稱昭王之時王道微缺朱子亦謂周綱陵夷

自昭王始
有以也夫

庚戌二十有年釋氏生

周書記異曰周昭王二十有二年釋氏生

甲子三十

有六年五十有一年王崩于漢子滿踐位

史記曰昭王之時王道微

缺昭王南巡狩不返卒于江上其卒不赴

告諱之也立

昭王子滿是為穆王

外紀曰昭王南巡狩反濟漢

濟之人以膠膠船王至中流膠浪船解王及祭公溺焉

大紀曰王在位久不能强于政治風化稍衰有光五

色貫紫微井水溢是歲王征荆蠻軍被涉漢梁敗王及

祭公隕于漢王右辛餘靡振王北濟反振祭公王因是

發疾崩 朱子曰涇舟

膠楚澤周綱已陵夷

庚辰穆王元年三年命君雅為

大司徒伯冏為大僕正

大紀係之三年若史記則

書君

冏命是共初即位之年

雅篇曰王若曰嗚呼君牙惟乃祖乃父世篤忠良服勞

王家厥有成績紀于大常

古文尚書作君雅周禮司勳曰凡有功者銘書于王之大

常司常云日月為常

惟予小子嗣守文武成康遺緒亦惟先王之

臣克左右亂四方心之憂危若蹈虎尾涉于春冰

蹈虎尾恐

陷涉春冰恐陷穆王初即政憂危求助之切如此

今命爾予翼作股肱心膂

乃舊服無忝祖考

膂呂通脊也穆王資世職之臣處心腹之寄舊服即謂篤忠服勞之事呂

氏曰穆王方自憂危懼不克承故亦勉君牙無忝祖考各欲保其世業語益親切臣主蓋一體也弘敷五典

式和民則爾身克正罔敢弗正民心罔中惟爾之中

蔡氏

曰弘教者大而布之也。式和者敬而和之也。則有物有則之。則君臣之義。父子之仁。夫婦之別。長幼之序。朋友之信。是也。典以設教。言故曰弘教。則以民彝言。故曰式和。此司徒之教也。然教之本則在君身。身正也。中也。民則之體。而人所同然也。正以身言。欲其所以處無邪行也。中以心言。欲其所存無邪思也。愚謂五典之教。司徒之常職。然上之人無邪行。心得之實。則民不從其令。夏而從其意矣。此所以責于兩身之正。爾心之中也。

暑雨小民惟曰怨咨。冬祁寒小民亦惟曰怨咨。厥惟艱

哉。思其艱以圖其易。民乃寧。

祁大也。夏而暑。雨小民有暴身露體之勞。冬而大寒。

小民有梨而龜手之勞。故怨咨。蓋自傷其衣食之艱難也。思小民之為艱難。而為圖其易。則小民乃安矣。夫艱者飢寒之艱。易者衣食之易。古者司徒之職。雖云掌教。然土地人民之數。制其田里。教之樹畜。辨其土宜。以相

民定而知其利害以牟人民蓄鳥獸毓草木凡養民之利無一不掌蓋教養並行未嘗有無養而教者也故穆王念小民之艱而以圖易為君牙告者皆其職也

嗚呼丕顯哉文王謨丕承哉

武王烈佑啟我後人咸以正無缺爾惟敬明乃訓用奉

若于先王對揚文武之光命追配于前人

丕大也謨功烈文顯于

前武承于後曰謨曰烈各指其盛言之文武以謨啟以烈佑我後人者無一事不出于正文武之道可謂大備但人亡政息爾惟敬明乃訓奉若文武之道荅揚其光命則足以追配爾祖父所以事先王者矣然則思艱圖易不必他圖有文武之道與前人之法在王若曰君牙乃惟由先正舊典時

武民之治亂在茲率乃祖考之攸行昭乃辟之有乂

正先

即乃祖乃父也君牙由祖父舊典而法之民之治亂在此而已法之則治否則亂惟備祖父之攸行則足以昭其君子有又謂法之即治也蔡氏曰按此篇專以君牙祖父為言然則君牙之祖父當任司徒之職而其賢可知矣昔載籍之無傳也陳氏曰成康之時尚伯為司徒君牙豈其後耶

冏命篇曰

同古文作

記

王若曰伯冏惟予弗克于德嗣先人宅丕后怵惕惟

厲中夜以興思免厥愆

思免厥愆此穆王知自克之難欲寡其過篇中此意為多

昔

在文武聰明齊聖小大之臣咸懷忠良其侍御僕從罔

匪正人以旦夕承弼厥辟出入起居罔有不欽發號施

令罔有不臧下民祇若萬邦咸休惟予一人無良實賴

左右前後有位之士匡其不及繩愆糾繆格其非心俾

克紹先烈

承上文欲免厥愆因言文武之聖猶有資于小大之臣故稱王自謂無良不可不賴前後

左右有位之士以免已于愆而昭文武之烈

今予命汝作大正正于羣僕侍

御之臣懋乃后德交修不逮慎簡乃僚無以巧言令色

便辟側媚其惟吉士

此承上文以文武之聖亦有賴于僕從之承弼此所以命伯冏為太

僕之正以正羣僕侍御上修主德下簡近僚遠小人用君子以弼后德而逮于愆也

僕臣正厥后

克正僕臣諛厥后自聖后德惟臣不德惟臣

此承上文以明得失

之機稱王蓋深知僕御之邪正乃君德所係甚重非輕僕臣諛則后有聖則愆諫妄作而天下之亂自是生矣

呂氏曰陪僕替御之臣後世視為賤品而不擇曾不知人主朝夕與居氣體移養常必由之潛消默奪于冥冥之中而明爭顯諫于昭昭之際抑末矣又曰僕臣諛厥后有聖自古小人之敗君德為昏為虐為侈為縱曷其有極至于自聖猶若淺之為害穆王獨以是蔽之者蓋小人之蠱其君必使之虛美熏心傲然自聖則謂人莫已若而欲予古莫之違然後法家拂士日遠而快意肆情之事亦莫或齟齬其間自聖之證既見而百疾從之昏虐縱侈皆其枝葉不足論也 爾無昵于儉人充耳目之官迪上以非

先王之典非人其吉惟貨其吉若時瘵厥官惟爾大弗

克祇厥辟惟予汝辜

此皆其導君子懲者或以淫巧進或以賄進此近習小人進身之徑

伯冏所當戒此二者呂氏曰自盤庚總于貨賈之戒至此篇乃復見之成湯文武之隆未聞數數以貨飾其臣

也噫其商王曰嗚呼欽哉永弼乃后于彞憲此終篇首

周之衰乎

王曰嗚呼欽哉永弼乃后于彞憲

此終篇首

而欲躋之于文武之道史記曰穆王即位春秋已五十矣王道衰微穆王閑文武之道缺乃命伯冏申戒大僕國之政作冏命復寧呂氏曰穆王之書存者三篇君冏命初年之書也呂刑末年之書也百年耄荒度作刑以詰四方固有明文君牙之篇曰惟予小子嗣守文武成康遺緒冏命之篇曰惟予弗克于德嗣先人宅丕后則皆初嗣歷服之言也與呂刑所謂仲叔季弟劾于童孫其辭氣新陳雅差大有遷庭先後之次蓋無可疑者穆王中雖放逸不克保其始之祇畏然暮年哀敬初心復還謂之全德則駁猶不失為周之令王也又曰穆王之命望于伯冏者深且長矣此心不繼造父為御周進天下將必有車轍馬迹導其侈者果出于僕御之間抑不知伯冏猶在職乎否也穆王豫知所戒憂思深長猶不免躬自蹈之人心操舍之無常可懼哉

履祥按君牙之書穆王初年方新之書也罔命之書
穆王中年自克之書也穆王初年承昭王南征不復
之後憂危恐陷故資世家喬木之臣處股肱心膂之
寄以行文武之政自稱曰予小子曰嗣守遠緒皆初
年語也至其中年境順心移雖其所為未必皆如列
子及穆天子傳所載然楚右尹子革之言曰穆王欲
肆其心周行天下將必有車轍馬迹焉祭公謀父作
祈招之詩以止王心王是以獲沒于祇宮則穆王亦
不能無進退之過特能聞善言而自克耳罔命之篇
曰思危厥愆曰于一人無良曰匡其不及曰繩愆糾
繆格其非心則皆欲寡其過之辭又周禮太僕之官
下大夫耳或曰大正正于羣僕侍御之臣此太御也
太御亦中大夫耳何至特作命書申戒明切若使辟
若側媚若諛若迪上非典此蓋穆王深悔造夫八駿
之御知導君子侈者皆僕御之微故重其選而戒其
弊哀痛真切然則罔命之書真中年自悔之書也其

在祈招之後乎若夫史記所言周命作于初年如此
諄切而中年周遊自故乃如此躬言之而躬自蹈之
尚安取同命之書乎然則是篇當受之祈招之後史
失其言姑以類附于君牙而述其所見如此以待後
之君子
有考焉

十有三年王西征

紀年曰穆王十三年西征于青鳥之
所憇山海經曰三危之山青鳥居之

十有七年王西征征徐戎

紀年曰穆王十七年西征見
西王母賓于昭宮列子曰

周穆王時西極之國有化人來入水火貫金石反山川
移城邑千變萬化不可窮極既已變物之形又且易人
之慮非實能變物之形能使人目眩心忘耳浮屠善幻
多技蓋西域人自有此術穆王敬之若神居亡幾何謁
王同遊化人之宮王以為清都紫微鈞天廣樂帝之所
居自以居數十年不思其國也化人復謁王同遊所及

之處仰不見日月俯不見河海光影所照王目眩不能得視音響所來王耳亂不能得聽百骸六藏悸而不凝意迷精喪請化人求還化人移之王若殞虛焉既悟所坐猶嚮者之處侍御猶嚮者之人視其前則酒未清肴未晞扶責反王問所從來左右曰王默存耳由此穆王自失者三月而復更問化人化人曰吾與王神游也形與動哉且曩之所居與異王之宮曩之所游與異王之國王間惛疑覽亡變化之極徐疾之間可盡模哉化人之術使人心迷費耳觀穆王所感與化之所言固自所見但穆王欲心內昏所主不存遂為所迷爾此肆心周游之病根也王大悅不恤國事不樂臣妾肆意遠遊命駕八駿之乘右服闡古華字騶而左綠耳右驂赤驥而左白渠古義字主車則造父為御商音泰丙字林而作西為右次車之乘右服渠黃而左踰輪左駢盤驪而右山子栢夫主車參伯為御奔戎為右馳驅千里至于巨蒐氏之國巨蒐即高貢渠搜巨蒐氏乃獻白鵠之

血以飲王具牛馬之漣以洗王之足漣竹用反及二乘
之人已飲而行遂宿於崑崙之阿赤水之陽別日升崑
崙之邱以觀黃帝之宮而封之以治後世遂賓于西王
母觴于瑤池之上西王母為王謠曰白雲在天山陵自
出道里悠遠山川間之將子無死尚能復來王和之曰
予歸東土和合諸夏萬民均平吾顧見汝比及三年將
復而歸其辭哀焉乃觀日之所入行萬里王乃嘆曰於
乎一人不盈于德而諧于樂後世其追數吾過乎乃遽
以歸已上與穆天子傳畧同列子多寓言而穆天子傳
又多附會難信今以末有自悔之辭姑存之以備考論
史記曰蜚廉有子曰季勝季勝生孟增幸于周成王
是為宅皐狼皐狼生衡父衡父生造父造父以善御幸
于周繆王得驥溫驪驪騮耳之駒西巡狩樂而忘歸
徐偃王作亂造父為御長驅歸周以救亂繆王以趙城
封造父造父族由此為趙氏昌黎韓氏曰周繆王無
道意不在天下好方士說得八龍騎之西遊同王母宴

于瑤池之上歌謳忘歸四方諸侯之爭辨者無所質正
咸賓祭于徐贄玉帛死生之物于徐之庭者三十六國
得朱弓赤矢之瑞穆王聞之恐遂稱受命命造父御長
驅而歸與楚連謀伐徐徐不忍鬪其民走彭城武原山
百姓隨而從之萬有餘家徐偃王事見史記後漢書博
物志元和姓纂今止取昌黎所叙為稍詳密朱子曰不
有新招詩徐

方御宸極

履祥按穆王巡遊之事經史不載獨左氏有欲肆其心
周行天下將必有車轍馬迹之說史記秦紀亦言其
畧惟列子過有形容而雜書頗有附會若穆天子傳
之類是也漢武帝巡狩神仙之事史遷所叙亦備矣
後世猶有謗書之說謂或過其實也而漢武遺事所
載又過之果有如遺事所載史記豈反隱而不書乎
是知此書好事者文其誕無疑也然則穆天子傳亦
此類耳周制死而謚而傳為穆王之名曰穆滿則其

他謬附從可知矣今考左氏所載右尹所言曰欲肆其心曰將必有轍迹焉欲與將皆欲然之辭而卒能聽祈招之詩以自克則穆王雖不無巡狩之過而未必皆如雜書所言也然則穆王雖不得為周之賢王亦不失為世之英主諸老謂論穆王者當以尚書為正此說得之

三十有五年征犬戎

大紀係此年犬戎注曰犬戎

周語曰穆王將伐西戎之別名在荒

服祭公謀父諫曰不可祭畿內之國周公之後為王卿士謀父字也

先王耀德不可觀兵夫兵戢而自動

動則威觀則玩玩則無震是故周文公之頌曰載戢干戈載橐弓矢我求懿德肆于時夏允王保之先王之于民也懲正其德而厚其性卑其財業而利其罷用明利害之鄉以文修之使務利而避害懷德而畏威故能保世以滋大昔我先世后稷以服事虞夏及夏之衰也棄稷弗務謂太康廢稷之官不復務農我先王不密用失

其官而自竄于戎翟之間堯封橐子邠至不密失官去
夏而遷于邠邠西接戎北近翟不敢怠業時序其德纂
修其緒修其訓典朝夕恪勤守以敦篤奉以忠信奕世
載德不忝前人至于武王昭前之光明而加以慈和
事神保民莫不欣喜商王帝辛大惡于民辛紂名庶
民弗忍放戴武王以致戎于商牧是武王非務武也勤
恤民隱而除其害也夫先王之制邦內甸服夏曰周曰
畿此云甸服者古今通稱也故周襄王亦曰規方十里
以為甸服邦外侯服衛兵服甸侯服至衛服皆賓服
于王者夷蠻要服戎翟荒服甸服者祭侯服者祀賓服
者享要服者貢荒服者王祭祀享貢王皆朝貢之名王
則世一見者是所謂終王也日祭在甸服者供貢無時
或時日供之月祀時享歲貢終王先王之訓也有不祭
則修意有不祀則修言有不享則修文有不貢則修名
有不王則修德序成而不至則修刑于是乎有刑不祭
伐不祀征不享讓不貢告不王于是乎有刑罰之辟有

攻伐之兵有征討之備有威讓之令有文告之辭布令陳辭而又不至則增修于德無勤民于遠是以近無不聽遠無不服今自大畢伯仕之終也大畢伯仕犬戎之二君大戎氏以其職來王天子曰子必以不享征之且觀之兵犬戎于俗為荒服而于錡京為近荒服者王今穆王以地近責其享其無乃廢先王之訓而王幾頻乎吾聞夫犬戎樹惇能帥舊德而守終純固其有以禦我不聽遂征之得四白狼四白鹿以歸自是荒服者不至

甲子四十有五年五十年作呂刑以詰四方呂刑篇

曰惟呂命

呂國名書傳當作甫刑蓋呂國其後為甫猶邾之為邾也惟呂命與惟訖命同文蓋穆王

命呂侯為大司寇重修刑法更為五罰之制謂之呂刑至是頒之天下而申之誥命焉史記亦曰甫侯言于王作修刑辟蓋周制五刑凡二千五百未有五刑之贖而此增至三千又為五罰皆呂侯所參定也

王享

國百年耄荒度作刑以詰四方

穆王年五十即位至是百歲八十九十曰耄今

百歲謂之耄荒耄老而荒亂之謂穆王在位日久亦嘗肆遊觀之或雖有善政而弛張不常晚年不無荒廢故審度作刑以詰四方王曰若古有訓蚩尤惟始作亂延及之為姦慝暴亂者

于平民罔不戢賊鴟義姦究奪攘矯虔

蚩尤炎帝之末榆剛之世霸諸

侯者自洪荒以來風俗渾朴而蚩尤始為暴亂之事民俗因以敗壞奪人之戢賊人之賊鴟義為義亂外之姦亂民之究攘奪之風于是皆有之矯者正也虔者劉也此上下或有缺文謂聖人始制為刑以矯正虔劉之益黃帝既制兵以殺蚩尤又制刑以矯正虔劉其遺類也漢書武帝紀矯虔吏因執以侵暴擣音矯文意與下文同苗民弗用靈制以刑惟作五虐之刑曰法殺戮無辜

爰始淫為劓刑。桀黜越茲麗刑，并制罔差。有辭民興，胥漸泯泯。焚罔中于信，以覆詛盟。虐威庶戮，方告無辜。于上帝監民，罔有馨香德刑。發聞惟腥，皇帝哀矜庶戮之，不辜報虐，以威遏絕。苗民無世在下。

苗民堯時諸侯因上

聖人有矜虐之刑，于是作五虐之刑，以殺戮無辜。又淫為劓刑，桀黜麗于刑制者，更不差等。其獄辭之曲直，而例加之。于是民更相漸于昏亂之習，無復忠信互相詛盟矣。詛者，背相祝盟者，面質神此，皆刑政不平，曲直不明之故也。凡苗民虐威所加，衆庶被戮之人，所在告無辜于上帝，降監下民，罔有馨香之德。但有淫虐發聞之腥穢，堯舜于哀矜矜衆，庶被戮之非辜，既是五刑報苗民君臣之虐，以示其威，用遏絕苗民，使之不得繼。

世于下國言竄于三危也皇帝謂堯竄苗之事蓋堯老
舜攝之時墨子曰昔者聖王制為五刑以治天下逮
至有苗之制五刑以亂天下則此豈刑不善哉用制之
不善也是以先王之書以刑之道曰苗民否用諫折則
刑唯作五殺之刑曰法此言善用刑乃命重黎絕地天
者以治民不善用刑者以為五殺

通固有降格

重黎即羲和也呂氏曰治世公道昭明為
善得福為惡得禍民曉然知其所由不求

之茫昧之間三苗昏虐民之得罪者莫知其端無所控
訴相與聽于神祭非其鬼天地神人之典雖揉瀆亂此
妖誕之所以興人心之所以不正也聖人當務之急莫
先于正人心首命重黎修明祀典高卑上下各有分限
絕地天之通嚴幽明之分妖誕之說悉皆屏息楚語
曰少皞氏之喪也九黎亂德神明雜糅夫人作享宋為巫
史無有要質烝享無度民神同位民獨齊盟無有嚴威
顓頊受之乃命南正重司天以屬神命北正黎司地以

屬民使復舊常無相侵瀆是謂絕地天通其後三苗復九黎之德堯復育重黎之後不忘舊者使復典之愚

謂自蚩尤為亂而民有寇攘姦宄之習聖人是以有矯
虐之刑自三苗以刑為虐而民有坐視詛盟之習聖人
是以有重黎之命前後聖人其為民羣后之逮在下明
心計可謂至矣大指已見虞書之紀

明
非
常
鰥
寡
無
益

正化有此非常之明雖鰥寡之情無不上達蓋巫
祝之興始于政化不明下情不得以上達故耳
皇帝

清問下民鰥寡有辭于苗德威惟畏德明惟明乃命三
后恤功于民伯夷降典析民惟刑禹平水土主名山稷
降播種農殖嘉穀三后成功惟殷于民士制百姓于刑

之中以教祇德穆穆在上明明在下灼于四方罔不惟

德之勤故乃明于刑之中率入于民棐彞

承上文而言清問下民而

民皆言有苗之暴虐與其風聲氣習之為害于是以德為威而人心知所畏以德明民而人心之所向先命三后以為教養之具此德明惟明之事也而後命士師以刑法之防此德威惟畏之事也聖人制刑之本如此伯夷降下典禮以示天下天神地祇人鬼既各有正禮然出禮則入刑降典所以折其民之八刑者而回入于禮也禹平水土以安民生為山川立主祭之典以正民心蓋既絕地天通于是修山川之正祀又各使有土之君主之不至于潰覆降播種之法使農殖嘉穀蓋前此民猶雜食草木之實自獲教民稼穡而民始皆殖嘉穀矣三后成功民俗殷盛而後命皋陶為士師制百姓以刑法之中不偏于輕以惠姦不過于重以虐民立為中典

亦所以使民祇敬為德而已蓋其君臣之間和敬示德于上而精明承德于下躬行心德其表裏政令皆可為民之法灼于四方人心觀感罔不為德之勉而後明刑法之中治其民之非彞者而已蓋教養如此而猶或有非彞者然後刑之也又按虞書命皋陶之辭曰蠻夷猾夏而禹亦曰何遽乎有苗觀此篇所述則三苗之威讎氣習其始為天下之害可知蓋自上古之世風氣醇朴蚩尤始為亂而民始有為惡之習聖人始制刑以燭之其後有苗既為五虐之刑以殘其民其民又為誼盟之習以瀆其神于是暴虐妖誕二者威焰氣習得入中夏聖人始命重黎以止妖誕繼命皋陶以通下情又命伯夷以降典禮命伯禹以安民生正祀典命后稷以豐民財而後命皋陶定為至中不偏之刑自是後世之言刑者自皋陶始傳所謂皋陶之刑也蓋以其為不偏不易之法也又按此篇始述有苗之刑以為暴虐之戒繼述聖人之刑以為後世之準蓋聖人所以制刑者教養之具

無一不至然後立刑以制之而刑法之中亦無非教此蓋聖人發明立刑之本末而後世遂謂臯陶不與三后之列為聖人各于典獄非託于威惟託于富敬忌罔有刑官失其指矣

擇言在身惟克天德自作元命配享在下

託絕惟與忌畏也謂當時為

典獄之官者非但絕于威勢之請託與絕于貨賄之賂遺而已且能以敬自將以理自畏其身無可擇之言上體天德所以能自作元命而上對于天享祀無窮于下蓋獄者民之司命天之所託生就于奪上與天對又臯陶明刑之功享有國土宗祀不絕而當時為典獄者亦必祀于理官蓋古者有道德者死則以為樂祖祭于瞽宗法家亦然至後漢時繫獄者猶祭臯陶此其證也或曰此章穆王蓋以勉其典獄之臣絕私憊德上配臯陶爾亦王曰嗟四方司政典獄非爾惟作天牧令爾何監通

何監非時伯夷播刑之迪其今爾何懲惟是苗民匪察

于獄之麗罔擇吉人觀于五刑之中惟時庶威奪貨斷

制五刑以亂無辜上帝不蠲降咎于苗苗民無辭于罰

乃絕厥世

此章總上章以唐虞之典刑為監以苗民之用刑為懲四方司政典獄孔氏謂即諸侯也

此章詞語自相問答以發其意謂為司政典獄者豈非爾諸侯為天牧民者乎此欲諸侯以刑獄以重責也今爾何所觀法豈非伯夷所布典刑之道乎此謂典禮為刑之道蓋憲章無二出禮則入刑也其今爾何所懲戒豈非苗民所受忘刑之罰乎蓋苗民不察獄辭之所麗何刑又不擇吉人以審刑法之中正一為畏勢之拘奪于貨殖之貪又以私意斷制五刑亂及無辜之人故上帝不蠲貲其罪苗民亦不得以自逭其罰遂至于絕世

此用刑不當之 王曰嗚呼念之哉伯父伯兄仲叔季弟
禍所當懲也

幼子童孫皆聽朕言庶有裕命今爾罔不由慰日勤爾
罔或戒不勤天齊于民俾我一日非終惟終在人爾尚
敬逆天命以奉我一人雖畏勿畏雖休勿休惟敬五刑
以成三德一人有慶兆民賴之其寧惟永

此下告諸侯
也格如來格

之格庶幾其能入吾教民之內也日勤孔氏作曰後儒
見下文一日非終之說又讀為日蓋言日則勤在其中
矣言勤不必言日也聽察審訊以求其情莫煩于獄一
或不勤則職有不盡而民有不得其死者矣此章專告
貴戚之臣憂其或怠故專以勤為主爾所以無不自慰
者曰勤而已蓋其情得其事集而職其盡也爾罔或徒

知戒而不勤蓋既任其職孰不知重其事然憚于勞而不勤則刑罰不中雖戒之或無及也蔡氏謂戒亦善心也而用刑豈可以或戒也哉此謂刑罰已施雖悔無及也蓋天以刑懲齊其民既俾我君臣為之一日之間不能終其事與能終其事此其責在人矣爾尚敬謹以上順天命承我一人雖獄事情辭之煩可畏也勿以為畏惟勤而已雖得情聽斷之餘可休也勿以為休亦惟勤而已能謹審五刑之用則刑故無小所以成其剛德罪疑惟輕所以成其柔德刑罰得中所以成其正直之德則君慶于上民賴于下家國安寧之福久而不替矣此皆勤恤之效也

王曰吁來有邦有土告爾祥刑在今爾安百姓

何擇非刑何敬非刑何度非及

刑者不祥之器謂之祥刑者則以其為弼教之

良法而用刑者又以慈祥之心行之也及者連及也何所當擇豈非司獄之人乎何所謹豈非用刑之際乎何

所當審豈非連及之人乎當及而及所以摠獄不當及而及則連逮無辜矣

兩造具備師聽

五辭簡孚正于五刑五刑不簡正于五罰五罰不服正于

五過五過之疵惟官惟反惟內惟貨惟來其罪惟均

其審克之

周禮以兩造聽民訟兩造謂兩爭者皆至也具簡者詞證皆在也師衆也謂羣有司也五

辭麗于五刑之獄辭也簡者核其實孚者無所疑也正猶漢書所謂當也五罰即五贖也獄辭核實無疑者則當于五刑于五刑而不應其實者五刑之疑者也故又當于五過以宥之然五過之法公也其為之病者則私也私者或以權勢或以報私或以婚姻女謁或以貨賄交通或以求干請托為是五者而廢法以出人之罪則治獄者與之同罪矣其審克之總結

五刑之疑有赦五

上文審者盡其心克者盡其力也

罰之疑有赦其審克之簡乎有衆惟貌有稽無簡不聽

具嚴天威

此承上文五刑不簡正于五罰此五刑之疑有赦也五罰不服正于五過此五罰之疑有

赦也其審克之重言以丁寧之也簡乎有衆即師聽五辭之謂也惟貌有稽此簡乎之術也小司寇所謂色聽氣聽耳聽目聽者也至于不經衆人之簡核則上之人不可以聽斷所以求詳致嚴如此者蓋獄乃天討所係天威甚近而可畏其可有一毫不盡其心乎

墨辟疑赦其罰百鍰閱實其罪

劓辟疑赦其罰惟倍閱實其罪剕辟疑赦其罰倍差閱實其罪宮辟疑赦其罰六百鍰閱實其罪大辟疑赦其罰千鍰閱實其罪墨罰之屬千劓罰之屬千剕罰之屬

五百宮罰之屬三百大辟之罰其罰二百

此五罰之數也罰以黃鐵

即今銅也六兩曰錢一說每錢六兩三分兩之二則一錢半斤也倍一百曰二百倍二百而又差為五百辟疑赦之則從罰罰亦閱實其罪當于罰則罰之下文罰懲非死人極于病即此意也按舜典五刑有流而無贖正義謂古者五刑有降而無贖鞭作官刑朴作教刑又小于此則金作贖刑若金罰直耳穆王始制為五刑之贖蓋以贖代流也其弊使富而虐貧富者可贖貧者難免雖穆王申有司獄貨之戒其實開國家貨獄之塗蓋其弊必至于此然贖因于疑而穆王于贖之中又閱實其罪猶恐誤罰罰或不實其罪則正于五過矣其慈祥之意可見且罰有不苟則刑必不苟矣又按周禮五辟之屬皆五百而此墨劓之屬各千宮減于舊二百大辟減于舊三百輕刑雖增而重刑則減矣然則穆王非獨制為贖刑之法又制為輕刑之法矣五刑之屬

三千上下比罪無僭亂辭勿用不行惟察惟法其審克

之上刑適輕下服下刑適重上服

此言用五刑之宜也以情辭之上下比附

其罪不可差亂其獄辭而妄為升降又不可引用久不行之法蓋古今更定不同舊有是條久已不用民不知而犯之既犯而復引用焉是陷民也察者審于心法者當其刑又云其審克之以致丁寧之意罪在上刑而情適輕則服下刑此減等也罪在下刑而情適重則服上刑此加罪也此又用刑之權宜也輕重諸罰有權刑罰世輕世重惟齊非齊有倫有要

此又論五罰之權而總言

刑罰謂非獨五刑有上服下服至于輕重其五罰之用則亦有權焉蓋亦權其情而為之輕重也然刑與罰又有視世變而為輕重者如周禮刑新國用輕典刑平國用中典刑亂國用重典是也大抵情法時世參差不齊

權所以齊之則各有條理各有此承典要焉此用權合輕之謂也上文

論罰而言也楊王恐有司以論贖為輕而不加審故又云五刑所贖其懲人者雖非五刑軀命所闕然民重出

贖亦甚非佞折獄惟良折獄固非在中察辭于差非從病矣

惟從哀敬折獄明啟刑書胥占咸庶中正其刑其罰其

審克之獄成而孚輸而孚其刑上備有并兩刑此申明折獄之

方所以審刑罰之宜者佞辨給也不可以辨給之辭折獄惟當以慈良之心折獄從猶今律言承也察辭于差

此古今聽獄之要訣也凡辭之非實者終必有差故察獄辭者必于其差而察之則因之不承者承矣然既得

其惟則當以哀矜之心敬謹之意折之明啟刑書與羣有司共占視之則庶幾得其中正矣其當入于刑者其

當降而罰者其詳審而盡心力焉獄之成既得其實然後可輸其實于上而上其斷獄之書有又當備述其情辭有兩述之人各有所犯則并兩刑王曰嗚呼敬之哉而上之不可以輕重勝負而有所偏也

官伯族姓朕言多懼朕敬于刑有德惟刑今天相民作配在下明清于單辭民之亂罔不中聽獄之兩辭無或私家于獄之兩辭獄貨非寶惟府辜功報以庶尤永畏惟罰惟天不中惟人在命天罰不極庶民罔有令政在

于天下

承上文折獄之說又總告之也官獄官伯諸侯族同姓姓異姓也單辭無證之偏辭也兩辭兩

造之辭也家如不家于喪之家謂私財也府藏也辜功罪狀也猶釋氏云罪業也穆王享國之久老于世故晚

復哀矜故其言多懼欲人之所重而聽之也服敬于刑謹之至也惟有德者則可以用刑蓋天相佑下民立典獄之官以治之為民司命上與天配單辭者無證之辭人所難決者也惟有德者其心明且清則能得單辭之實兩辭者兩證之辭雖人所易決而一有偏徇之心則偏矣惟有德者其心中而不偏則能聽兩辭之獄然兩辭之易偏者亦或賄賂蔽之故戒之無或私取貨于獄之兩辭因獄取貨此貨非寶適以藏諸罪狀耳報應之理眾罪惡則一時之得有永久可畏之罰是非天偏治驚獄之人亦惟人自致其禍罰之命使天罰不至則獄吏皆得以行其私庶民無復被令政之澤于天下矣此申戒之警之也王曰嗚呼嗣孫令

往何監非德于民之中尚明聽之哉哲人惟刑無疆之

辭屬于五極咸中有慶受王嘉師監于茲祥刑

總此

上文詔後世也嗣孫儿官百族姓嗣世子孫也屬如屬有疆場之事之屬適也謂適或有時而用之也五極五刑也五刑者刑之極者也嘉師良民之衆也言繼世子孫自今以往何所監視豈非以德為民所取中乎此為要語不可不明聽之大抵賢哲用刑自有無窮之譽雖適有時而用極法然既合中正之理則亦有餘慶矣蓋世人每言寬刑有陰德之報而不知雖用大刑而合于中正亦有餘慶之報也故穆王明此以勉之受王良民之衆其監此慈祥之刑夫民本皆良民或因物有遷雖不免設刑以防之然無非慈祥之意則亦無非良善之法不可以忿疾之心行之也呂氏曰世衰則情偽繁人老則經歷熟穆王之時文武成康之澤浸微奸宄日勝其作書于既老閱世故而察物情者亦熟矣故古今軒轅言之累盡用刑者所宜盡心焉又曰是書哀矜明練固夫子存以示後世微微見其意者亦不可不察也

履祥按呂刑之書穆王晚年之書也自昭王南征不復周綱陵夷穆王在位日久中更荒廢雖能自克然風俗日降情偽日繁迨至晚年命呂侯為大司寇重修刑法史謂甫侯言于王而修之也故曰呂刑至是作為誥命頒之天下太抵增墨劓之餘以盡天下之惡而減宮刑大辟之條以逭犯死之衆既制五罰以贖五刑之疑又置五過以寬五罰之疑刑繁而輕此皆哀世之意也傳曰夏之衰也作禹刑商之衰也作湯刑今呂刑之作可以知世變矣然穆王老于世故備知獄事曲折之詳其哀矜惻怛之意敬審忠厚之法焉

風尚可
子王子曰呂刑之書律書也法吏之辭也徒能精察乎曲獄之姦而不識聖人制刑之本意首以五刑創于有苗而聖人用是報之遂為常法則是聖人之制刑反師有苗之為虐也斯言也豈不大害于義哉予固知其為法吏之辭

也舜之刑未嘗不輕而輕者本于罪之可疑穆王之刑亦未嘗不輕而輕者失于罪之不可宥舜之所以必刑者期于無刑穆王之所以必贖者導其起辟且大辟之刑而可贖則凡有千鍰之貲者無所往而不可殺人矣焉得而不啓後世之亂哉但其盡折獄之情偽曲折而哀矜惻怛之意猶有三代之遺風焉聖人以其世之變法之變存之于書亦以其能精察乎典獄之姦尚可以為後世聽訟用刑之戒非以其贖刑之可取也

五十有五年王崩于祗宮子繫扈踐位

楚右尹子革曰昔穆王欲

肆其心周行天下將皆必有車轍焉跡焉祭公諫父作祈招之詩以止王心王以是獲沒于祗宮其詩曰祈招之愔愔式昭德音思我王度式如玉式如金刑民之力而無醉飽之心杜氏曰祈父周司馬招其名蓋指司馬以諷王也陸氏曰招常造反左氏作彤家語作刑朱子謂當作刑招當如徵招角招之招詩歌之名也

周書曰穆王思保位為難恐貽世羞欲自警寤作史記
史記維正月王在成周味與召三公左史戎夫曰今朕
寤遂事驚予乃取遂事之要戒俾戎夫言之朔望以聞
信不行義不立則哲士陵居政楚而生亂皮氏以亡古
諸侯也愚謂後漢之亡其證亦然諂諛曰近方正日遠
則邪人專國政禁而生亂華氏以亡好貨財珍怪則邪
人因財而進邪人因財而進則賢良日蔽而遠賞罰無
無位隨財而行夏后以亡嚴兵而不仁者其臣憚而臣
憚而不敢忠不敢忠則民不親其吏刑始于親遠者寒
心殷商以亡樂專于君者權專于臣權專于臣則刑專
于民居娛于樂臣爭于權民盡于刑有虞氏以亡商均
之後也奉孤以專命者謀主必畏其威而疑其前事謀
主謂孤長大也前事謂專命者挾德而責數日阮位均
而爭平林以亡挾其見奉之德而責其前專命之事此
與成王周公反矣位均勢敵也大臣有錮職詳誅者危
者質沙三卿朝而無禮居怒而久拘之詳而弗加諸

御謀變質沙以亡銅賊專權也外內相間下撓其民民無所附三苗以亡弱小在強大之間存亡將由之則無天命矣不知命者死無天命命在強壯者也不知命則足以亡也有夏之方興也虺氏弱而不恭身死國亡嬖子兩重者亡皆義渠氏有兩子異母皆重君病大臣分黨而爭義渠以亡功大不賞者危昔平州之功大而不賞詢臣曰賞貴功日怒而生變平州之君以走出召遠不親者危昔有林氏召離戎之君而朝之至而不禮留而弗親離戎逝而去之林氏誅之天下叛林氏昔者曲集之君伐智而專事強力而下賤其臣賢良皆伏愉州氏伐之君孤而無使曲集以亡昔者有渠氏有亂臣而責任之以國假之以權擅國而主斷居已而奪之臣怒而生變有巢以亡斧小不勝柯者亡昔有鄒之君奢儉減爵損祿羣臣卑讓上下不臨後君少弱禁罰不行重氏伐之鄒君以亡久空重位者危昔有共工自賢自以無臣久空大官下官交亂民無所附唐氏伐之共工以

亡犯難爭攘疑者死昔有林氏上衡氏爭權爭為犯難
不果為疑林氏再戰弗勝上衡氏偽義弗克俱身死國
亡知能均而不親並重事君者危昔有南氏有二臣貴
寵力鈞勢敵競進爭權下爭朋黨居弗禁南氏以分昔
有果氏好以新易故故者疾怨新故不和內爭朋黨陰
事外權有果氏以亡爵重祿輕比己不成據注疑作取
民自成者亡昔有畢程氏損祿增爵羣臣貌匱比而疾
民畢程氏以亡有位無祿取民自成民不堪予求比而
罪之好變故易常者亡昔陽氏之君自伐而好變事無
故葉官無定位民運于下運亂移也陽氏以亡葉刑而
者危昔穀平之君懷類無親破國弗剋葉刑用國懷恨
也類疾也國勝破以刑為業也外國相援穀平以亡
武不止者亡昔阪泉氏用兵無已誅戰不休并兼無親
文無所立智士寒心徙居至于獨虎諸侯叛之阪泉以
亡狼而無親者亡昔者縣宗之君狼而無聽不納忠言
執事不從宗職者發疑大事羣臣解體國無功縣宗

以亡昔者玄都賢鬼道廢人事天謀臣不用龜策是從
神巫用國哲士在外玄都以亡文武不行者亡昔西夏
性仁非兵城郭不修武士無位惠而好賞屈而無以賞
唐氏伐之城郭不守武士不用西夏以亡美女破國昔
者續陽強力四征重丘遺之美女續陽之君悅之熒惑
不治大臣爭權遠近不相聽國分為二宮室破國昔者
有洛氏宮室無常他國廣大工功日進以後更前民不
得休農失其時機饑饉無食成湯伐之有洛以亡此篇諸
本不一今以蜀本刊定以

乙亥共王元年三年

國語曰共王遊于涇

上密康公從有三女奔之其母曰必致之于王夫獸三
而羣人三為衆女三為衆王田不取羣公行下衆王御
不參一族夫榮美之物也衆以美物歸女而何德以堪
之王猶不堪况爾小醜乎小醜備物終必亡康公不獻
一年王
減密
十有二年王崩子囂踐位于亥懿王元年徙都

槐里

大紀曰自王為政王
室始哀徙都槐里

二十有五年王崩共王之弟

辟方立史記曰懿王之時王室始衰詩人作刺

按詩之時世多

不可考其時王風未作變小雅多有刺詩而莫知其時
世衛氏詩序皆以為刺幽王太史公多見古書殆必有
考胡氏大紀以齊良公之立當在懿王之世
而以詩序刺哀公之詩諫之然不可考矣

壬子孝王

元年甲子十有三年封非子為附庸邑之秦

用大紀例
以甲子為

紀今附此年此周太史儋所謂始周與秦合者也史儋
又曰合而別後五百歲復合按別者謂周東遷復合者
謂秦併周也史記曰惡來革者蜚廉子也有子曰女
防女防生旁皐旁皐生太儿太儿生大駱大駱生非子
以造父之寵皆蒙趙城為氏非子居犬北好馬善養息
之犬北人言之周孝王孝王召使王馬于汧渭之間馬

大蕃息孝王欲以為大駱通嗣申侯之女為大駱妻生子成為適中侯乃言孝王曰昔我先驪山之女為戎胥軒妻生中酒中怨玄孫也在西戎保西垂生蜚廉蜚廉生惡來以親故歸周保西垂西垂以其故和睦今我復與大駱妻生適子成申駱重昏西戎皆服所以為王王其國之于是孝王曰昔伯翳為舜主畜畜多息故有土賜姓嬴今其後世亦為朕息馬朕其分土為附庸邑之秦使復續嬴氏祀號曰秦嬴亦不廢申侯之女子為駱適者以和西戎十有五年王崩諸侯復立懿王太子熒

大紀曰孝王之

世大電江漢水牛馬死

丁卯夷王元年始下堂而見諸侯

大紀附元年

禮記曰覲禮天子不下堂而見諸侯下堂而見諸侯天

子之失禮也自夷王以下

經世曰國自此衰

按史記懿王崩

共王弟辟立立是為孝王孝王崩諸侯復立懿王大子
變是為夷王然則夷王未未必立而立于諸侯之手故
為是加禮于下堂而見之又其
時王室浸衰自是永為例矣

八年楚子熊渠伐庸揚

粵至于鄂

大紀係此年楚世家曰周文王之時祝融
之孫季連苗裔曰鬻熊事文王今書有鬻熊

子載其事疑偽書其子熊麗生熊狂狂生熊繹熊繹當
同成王時舉文武勤勞之後嗣而封熊繹于楚蠻封以
子男之田姓芈氏居丹陽徐廣曰在南郡枝江楚子熊
繹與魯公伯禽衛康叔子年晉侯燮齊太公子呂伋俱
事成王左傳俱服事康王熊繹生熊艾艾生熊黹黹生
熊勝勝以弟揚為後熊揚生熊渠渠生子三人當周夷
王之時王室微諸侯或不朝相伐熊渠甚得江漢間民
和乃興兵伐庸揚粵至于鄂熊渠曰我蠻夷也不與中

國之號謚乃立其長子康為句亶王張晏曰今江陵中
子紅為鄂王九州記曰今武昌少子執疵為越章王皆

在江上楚蠻之地

十有六年王崩子胡踐位

左氏曰至于夷王王

莫不並走其望以祈王身

史記齊世家曰太公卒子

丁公伋立丁公卒子乙公得立乙公卒子癸公莖母立

癸公卒子哀公不辰立哀公時紀侯讚之周周

癸未厲

王元年

楚世家曰厲王暴虐熊渠畏其伐
楚亦去其王終前夷王八年楚事

十有二年衛

貞伯薨子嗣

是為頃侯世家曰衛康叔卒子康伯立
即左傳所稱王孫牟父是也康伯卒子考

伯立考伯卒子嗣伯立嗣伯卒子廋伯立廋伯卒子靖

伯立靖伯卒子貞伯立貞伯卒子頃侯立頃侯厚賂周

夷王夷王命衛為侯按史記曰頃侯始有年以年表考
之當係此年非夷王之世古史曰按書康叔稱衛侯者

又曰孟侯蓋以侯為方伯故其子孫六世稱伯猶詩曰召公為召伯而非伯爵也至頃侯蓋不復為方伯故但

以爵稱非以

賂故得侯也十有四年曹考伯薨子喜嗣

是為夷伯世家曰曹叔

振鐸卒子太伯脾立太伯卒子仲君平立仲君平卒子宮伯侯立宮伯侯卒子孝伯雲立孝伯卒子夷伯喜公

十有五年燕惠侯立

世家曰燕自召公已下九世至惠侯

蔡厲侯薨子嗣

是為武侯

世家曰蔡仲卒子蔡伯荒立蔡伯卒

十有

子宮侯立宮侯卒子厲侯立厲侯卒子武侯立

九年齊公子山弑其君胡公而自立

是為獻公世家曰襄公之同母少

弟山怨胡公乃與其黨率營丘人襲攻殺胡公而自立是為獻公按史記獻公立在夷王之時以年表考之當

係此

二十年齊侯徙治臨菑

世家曰獻公元年盡逐胡公子因徙治臨菑

宋

厲公薨子舉嗣

是為僖公
家曰微子卒

史記凡僖字皆作釐
立其弟衍是為微仲禮記

曰微子舍其孫腓而立衍微仲卒子宋稱立宋公卒子
丁公中立丁公卒子湑公其立湑公卒弟煬公熙立湑

公子鮒祀斌煬公而自立是
為厲公厲公卒子釐公舉立

晉厲侯薨子宜臼嗣

是為靖侯

世家曰唐叔子燮是為晉侯正義曰唐叔之子燮父
徙居晉水傍改曰晉侯晉侯子寧族是為武侯武侯之
子服人是為成侯成侯子福是為
厲侯厲侯之子宜臼是為靖侯

二十有一年秦嬴卒

子秦侯嗣二十有四年陳慎公薨子寧嗣

是為幽公
世家曰胡公

卒子申公犀侯立申公卒弟相公羣羊立相公卒立申
公子突是為孝公孝公卒子慎公圉成立慎公卒子幽

公寧衛頃侯薨子嗣

是為僖侯

二十有八年齊獻公薨子壽

司是為三十年以榮公為卿用事

國語曰厲王說榮夷公芮良夫曰王室其

將卑乎夫榮公好專利而不知大難夫利百物之所生也天地之所載也而或專之其害多矣天地百物皆將取焉胡可專也所怒甚多而不避大難以是教王王能久乎夫王人者將導利而布之上下者也使神人百物無不得其極猶日休惕懼怨之來也故頌曰思文后稷克配彼天立我烝民莫匪爾極大雅曰陳錫載周是不布利而懼難乎故能載周以至于今今王學專利其可乎匹夫專利猶為之盜王而行之其歸鮮矣榮公若何周必敗既而榮公為卿士諸侯不享史記曰厲王即位三十年好利近榮夷公芮良夫諫不聽卒以榮公為卿士用事墨子曰厲王染于厲公長父榮夷終

三十有一年秦侯卒子公伯嗣

楚熊延卒子熊勇嗣

世家曰熊渠長子母康早死熊渠卒中子熊摯紅立其弟熊延弒而

代三十有三年殺言者國語曰厲王虐大紀有曰時荆楚魁于南獵執魁于北淮夷魁

于東命虢公征之不克微斂數起虐用其民民不堪命聚議而興謗召公告曰民不堪命矣王怒得衛巫使監謗者以告則殺之史記又曰其謗鮮矣諸侯不朝三十四年王益嚴國人莫敢言道路以目王喜告召公曰吾能弭謗矣乃不敢言召公曰是郭之也防民之口甚于防川川壅而潰傷人必多民亦如之是故為川決之使真為民者宣之使言故天子聽政使公卿至于列士獻詩瞽獻典史獻書師箴瞽賦矇誦百工諫庶人傳語近臣盡規親戚補察瞽史教誨耆艾修之而後王斟酌焉是以事行而不悖民之有口也猶之有山川也財用于是乎出猶其有原隰衍沃也衣食于是乎生口之宣言也善敗于是乎興行善而備取所以阜財用衣食者也夫民慮之于心而宣之于口成而行之胡可壅也若壅其口其與能幾何王弗聽于是國人莫敢出言三年乃

流王于彘

三十有四年秦公伯卒子仲嗣三十六年西戎反

滅犬丘大駱之族

史記曰秦仲立三年周厲王無道諸侯或叛之西戎反王室滅犬丘大駱之族

三十有七年國人叛襲王王出居于彘召公周公行政

是為共和太子靖匿于召公之家

本紀曰國莫敢出言三年乃相與畔襲厲

王王出奔于彘厲王太子靖匿召公之家國人聞之乃圍之召公曰昔吾驟諫王王不從以及此難也今殺王太子王其以我為讐而懟怒乎夫事君者險而不懟怨而不怒況事王乎乃以其子代王太子國語大同小異太子竟得脫召公周公二相行政號曰共和
按莊子竹書紀年及稽古錄皆作共伯和莊子司馬注其事尤詳云共伯名和修其行好賢人諸侯皆以為賢周厲公之難天子曠絕諸侯皆請以為天子共伯不聽即于王

位十四年大旱屋焚卜于太陽兆曰厲王為崇召公乃立
宣王共伯復歸于宗道遙得意共山之首共北山在河
南內共縣西魯連子云共伯後歸于國得意共山之首
紀年云共伯和即于王位孟康注古今人表謂入為三
公按此事經傳皆不言及今從史記

庚申三十有八年共和行政

史記自是

事始有年稽古
錄稱共和九年

晉靖侯薨子司徒嗣

是為僖侯

四十有一年

蔡武侯薨子嗣

是為夷侯

楚熊勇卒弟熊嚴立甲子四十有

二年王在珣四十有四年曹夷伯薨弟彊立

是為幽伯

四十

有七年陳幽公薨子孝嗣

是為僖公

四十有八年宋僖公薨

子覲立

是為惠公

五十有一年王死于珣周召二伯立太子

靖

左氏曰至于厲王王心厲虐萬民弗忍居王于彘諸侯釋位以間王政宣王有志而後效官本紀曰宣

王即位二相輔之修政法文武成康之遺風諸侯復宗周

履祥按周自夷王王政不綱厲王初立諸侯畏之荆楚自去王號三十年間天下無他故其後好利用榮夷公又以監諂而殺言者雖苟良夫召穆公交有陳諫又皆有大雅之刺以感王心而皆不聽卒以流亡身死于彘彘在河汾之間詩所謂汾王是也嗜好用舍之間可不謹諸賴諸大臣彌縫其間王室不墜卒立宣王相之衆然復興蓋其時周室尚可振也至幽王再禍而宗周為虛訖不復振悲夫

楚熊嚴卒子熊霜嗣甲戌宣王元年以秦仲為大夫誅

西戎以尹吉甫為將北伐獫狁至于太原

秦紀曰周宣王即位徐庶

曰秦仲之十八年小雅六月之詩曰六月棲棲戎車既乃以秦仲為大夫

飭四牡駉駉載是常服玃狁孔熾我是用急王于出征

以匡王國

集傳曰六月建未之月也棲棲猶皇皇不安之貌駉駉強貌常服戎事之常服以韎韐為

韐又以為衣而素裳白鳥也玃狁即北狄也司馬法冬夏不興師今六月出師者以玃狁甚熾其事危急不得已而王命于是出此物四驪閑之維則維此六月既成征以正王國也

我服我服既成于三十里王于出征以佐天子

集傳曰此物齊其力

也凡大事毛馬而頒之軍事物馬而頒之毛馬齊其色物馬齊其力也三十里一舍也師行日三十里既此其物而曰四驪則其色又齊可以見馬之有餘矣閑習之而皆中法則又可以見教之有素矣于是此月之中既

成我服即日引道不徐不疾盡舍而止又見其應變之速從事之敏而不失其常度王命于此而出征欲其有以敵王所愼而佐天子耳

四牡修廣其大有顓薄伐玁狁以奏膚公

有嚴有翼共武之服共武之服以定王國

集傳曰顓大貌奏薦膚大

公功嚴威翼敬也共與供同言將帥皆嚴敬以共武事也

玁狁匪茹整居焦獲侵鎬

及方至于涇陽織文鳥章白旆央央元戎十乘以先啟

行集傳曰茹度整齊也焦獲鎬方皆地名焦未詳所在

獲郭璞以為鎬中則今在耀州三原縣也鎬劉向以

為千里之鎬則非鎬京之鎬矣亦未詳所在方疑即朔方涇陽涇水之北在豐鎬之西北言其深入為寇織幟

字同鳥章鳥準之章白旆繼旒者也央央鮮明貌戎戎車軍之前鋒啟開行追猶言發程也言玁狁不自度深

入為寇如此是以建此旌旗選鋒銳進聲其罪而致討焉直而壯律而威有所不戰戰必勝矣戎車既

安如輕如軒四牡既佶既佶且閑薄伐玁狁至于太原

文武吉甫萬邦為憲

集傳曰輕車之覆而前軒車之却而後凡車從後視之如輕從前視

之如軒然後適調也佶壯健貌大原地名亦曰大鹵今在大原府陽曲縣至于大原言逐出之而已不窮追也先王治戎狄之法如此吉甫尹吉甫此時大將也非文無以附眾非武無以威狄能文能武則萬邦以之為法也

吉甫燕喜既多受祉來歸自鎬我行永久飲御諸友

魚鼈膾鯉侯誰在矣張仲孝友

集傳曰御進侯維也張仲吉甫之友也此言吉

甫燕飲喜樂多受福祉蓋以其歸自鎬而行永久也是以飲酒進饌于朋友而孝友之張仲在焉言其所與燕

者之賢所以賢吉甫而善是燕也 朱子曰成康既沒
周室寢衰八世而厲王胡暴虐周人逐之出居于彘
狄內浸迫近京邑王崩子宣王靖即位命尹吉
甫帥師伐之有功而歸詩人作歌以叙其事

燕惠侯薨子莊嗣

是為僖侯

二年以方叔為將南征

荆蠻

采芑之詩曰薄言采芑于彼新田于此畱畝方叔涖止
其車三千師干之試方叔率止乘其四騏四騏翼翼路
車有奭簟第魚服鉤膺脩草

集傳曰芑即今苦蕒菜軍
行采之人馬皆可食田一

歲曰芑二歲曰新田三歲曰畝方叔宣王卿士受命為
將者其車三千法當用三十萬衆蓋兵車一乘甲士三

人步卒七十二人又二十五人將重車在後凡百人也
此極其盛而言未必實有此數也師衆千扞試肄習也
言衆且練也率總率之也翼翼順序貌奕亦貌輦第以
方丈竹簟為車蔽也魚獸名似猪東海有之其皮可為
弓韃矢服鈎膺馬婁頰有鈎而在膺有樊有纓樊馬大
帶纓鞅也倥倥也草轡首也馬轡所把之外有餘而垂
者也宣之時蠻荆背叛王命方叔南征軍行采芑而食
故賦其事以起興曰薄言采芑則于彼新田于此舊畝
矣方叔涖止則其車三千師干之試矣薄言采芑于彼
而遂言其車馬之美以見軍容之盛

新田于此中鄉方叔涖止其車三千旂旐央央方叔率

止約軼錯衡八鸞瑯瑯服其命服朱芾斯皇有瑳葱珩

集傳曰中鄉民居其田尤治約束軼轂也以皮纓束兵
車之轂而朱之也錯文也鈴在鑣曰鸞馬口兩旁各一

四馬故八也瑋瑋聲也命服天子所命之服朱芾黃朱之芾皇猶煌煌瑋玉聲葱蒼色如葱珩珩首橫玉禮三命亦芾

駘彼飛隼其飛戾天亦集爰止方叔涖止其車

三千師干之試方叔率止鉦人伐鼓陳師鞠旅顯允方

叔伐鼓淵淵振旅闐闐

集傳曰駘疾飛貌隼鷃屬急疾之鳥鉦鉦也獨也伐擊也鉦以

靜之鼓以動之鉦鼓各有人而言鉦人伐鼓互文也鞠告也二千五百人為師五百人為旅此言將戰陳其師旅而誓告之陳師告旅亦互文淵淵鼓聲平和不暴怒也謂戰時進士衆也振止旅衆也言戰罷而止其衆以入也闐闐亦鼓聲或曰威貌程子曰振旅亦以鼓行血止言隼飛戾天而亦集于所止以興師旅之威而進退有節如下

秦爾蠻荆大邦為讐方叔元老克壯其猶方

文所云

叔率止執訊獲醜戎車嘽嘽嘽嘽如霆如雷顯允

方叔征伐玁狁荆來威

集傳曰蠢動而無知之貌蠻荆荆州之蠻大邦猶言中國

元大猶謀也言方叔雖老而謀則壯也嘽嘽衆也嘽嘽盛也霆疾雷也方叔蓋嘗與于北伐之功者是以蠻荆聞其名而皆來畏服也

命召虎征淮夷

大雅江漢之詩曰江漢浮浮武夫滔滔匪安匪遊淮夷

來求既出我車既設我旟匪安匪舒淮夷來輔

集傳曰宣王命

召穆公平淮南之夷詩人美之浮浮水貌滔滔順流貌淮夷夷在淮上者鋪陳也陳師以伐之此章總叙其

事言行者莫敢安徐而曰吾之來也惟淮夷是求是伐耳

江漢湯湯武夫泱泱經營

四方告成于王四方既平王國庶定時靡有爭王心載

寧

集傳曰泱泱武貌庶幸也此章言既伐而成功

江漢之潏王命召虎式辟四

方徹我疆土匪疚匪棘王國來極于彊于理至于南海

集傳曰虎召穆公命也辟與闢同徹并其旧也疚病也棘急也極中之表也居中而為四方所取正也言江漢

既平王又命召公闢四方之侵地而治其疆界非病之非急之但使其來取正于王國而已于是遂疆理之盡

南海而止也

王命召虎來旬來宣文武受命召公維翰無曰

予小子召公是似肇敏戎公用錫爾祉

集傳曰旬徧宣布也自江漢之

許言之故曰來召公召康公奭也翰駮也予小子王自稱肇開我女公功也又言王命召虎來此江漢之潁偏治其事以布王命而曰昔文武受命惟召公為禎餘今女無曰以予小子之故也但自為嗣女召公之事耳能開缺女功則我當錫女以祉福如下章所云也

錫山土田于周受命旬召祖命虎拜稽首天子萬年

集傳

曰釐賜卣尊也丈人先祖之有文德者謂文王也周岐周也召祖穆公之祖康公也此叙王錫召公策命之詞言錫爾圭瓚秬鬯者使之以祀其先祖又告于丈人而錫之山川土田以廣其封邑蓋古者爵人必于祖廟示不敢專也又使往受命于岐周從其祖康公受命于丈王之所以寵異之而召公拜稽首以受王命之策書也人臣受恩無可以報謝但言使君壽考而已

虎拜稽首對揚王休作召公考

天子萬壽明明天子令聞不已矣其文德洽此四國

集傳

曰穆公既受賜遂答稱天子之美命作康公之廟器而勅王策命之詞以考其成且祝天子以萬壽也既又美其君之令聞而進之以不已勸其君以文德而不欲其極意于武功古人愛君之心于此可見矣

王伐淮徐

大雅常武之詩曰赫赫明明王命卿士南仲大祖大師

皇父整我六師以修我戎既敬既戒惠此南國

集傳曰宣王自

將以伐淮北之夷詩人美之卿士即皇父之官南仲周大將大祖始祖也大師皇父之兼官戎宣王自我戎兵器也王命卿士之謂南仲為大祖兼云師而字皇父者整治其從行之六軍修其戎事以除淮夷之亂而惠此

南方之國必言南仲大王謂尹氏命程伯休父左右陳祖稱其世功以美大之

行戒我師旅率彼淮浦省此徐土不留不處三事就緒

集傳曰尹氏吉甫也蓋為內史掌策命卿大夫也程伯休父周大夫三事未詳或曰三農之事言王召尹氏策命程伯休父為司馬使之左右陳其行列簡淮浦而省徐州之土蓋伐淮北徐州之夷也上章既命皇父而此章又命程伯休父蓋王親命太師以二公治其軍事而使內史命司馬以六卿副之耳赫赫業業

以嚴天子王舒保作匪紹匪遊徐方繹騷震驚徐方如

雷如霆徐方震驚集傳曰赫赫顯也業業大也嚴威也天子自將其威可畏王舒保作未詳

其義或曰舒徐保安作行也言王師舒徐而安行也紹糾合也遊遨遊繹連絡騷擾動也夷厲以來周室衰弱

至是而天子自將以征不庭其師始出不疾不遲而徐方之人皆已震動如雷霆作于其上不遑安矣王

奮厥武如震如怒進厥虎臣闕如虓虎鋪敦淮濱仍執

醜虜截彼淮浦王師之所

集傳曰進鼓而進之也闕奮怒之貌虓虎之自怒也鋪布

也布其師旅也敦厚也厚集其陳也仍就也老子曰攘臂而仍之截截然不可犯之貌

王旅嘽嘽

如飛如翰如江如漢如山之苞如川之流綿綿翼翼不

測不克濯征徐國

集傳曰嘽嘽衆盛貌翰羽苞本也如飛如翰疾也如江如漢衆也如山不

可動也如川不可禦也綿綿不可絕也翼翼不可亂也不測不可知也不克不可勝也濯大也王猶允

塞徐方既來徐方既同天子之功四方既平徐方來庭

徐方不回王曰還歸

集傳曰猶道庭朝回違還歸班師而歸也前篇召公帥師以出歸告

成功故備載其褒賞之詞此篇王實親行故于卒章反復其詞以歸功于天子言王道甚大而遠方懷之非獨

其威然也序所謂因以為戒者是也

魯真公薨弟敖立

是為武公世家曰魏公潰卒子厲

公擢立厲公卒弟獻公具立獻公卒子真公湏立

曹公子蘇弑其君幽伯而自立

是為戴伯

三年齊武

公薨子無忌

是為厲公

五年晉僖侯薨子籍嗣

是為獻侯

六年大旱

大紀連年書旱

大雅雲漢之詩曰倬彼雲漢昭回于天王曰於乎何辜

今之人天降喪亂饑饉薦臻靡神不舉靡愛斯牲圭璧

既卒寧莫我聽

集傳曰舊說以為宣王承厲王之烈內有撥亂之志遇災而懼側身修行欲銷

去之天下喜于王化復行百姓見憂故仍叔作此詩以美之雲漢天河也昭光回轉也言其光隨天而轉也薦臻通重也靡神不舉所謂國有凶荒則索鬼神而祭之也圭璧禮神之玉卒盡也寧猶何也言雲漢者夜晴則天河明故述王仰訴于天之詞如此早既大甚蘊隆蟲蟲不殄禋祀白郊

徂宮上下奠瘞靡神不宗后稷不克上帝不臨耗斁下

土寧丁我躬

集傳曰蘊蓄隆盛蟲蟲熱氣也郊祀天也宮宗廟也上祭天下祭地奠其體瘞其物

宗尊也克勝也言后稷欲救此旱災而不能勝也稷以親言帝以尊言丁當也何以當我之身而有是災也或

曰與其耗斁下土寧使
災害當我身也亦通

旱既大甚則不可推兢兢兢業業

如霆如雷周餘黎民靡有孑遺昊天上帝則不我遺胡

不相畏先祖于摧

集傳曰推去也兢兢恐也業業危也如霆如雷畏之威也孑無右臂貌言

大亂之后周之餘民無復有半身之遺者而上天又降旱災使我亦不見遺也摧滅也言先祖之祀將自此而

也旱既大甚則不可沮赫赫炎炎云我無所大命近止

靡瞻靡顧羣公先正則不我助父母先祖胡寧忍予

集傳

曰沮止也無所無所容也大命近止死將至也瞻仰顧望也羣公先正月令所謂雩祀百辟卿士之有益于民者以析殺實者也于羣公先正但言其不見助至父母先祖則以恩望之矣所謂垂涕泣而道之也旱既

大甚滌滌山川旱跋為虐如暎如焚我心憚暑憂心如熏

羣公先正則不我聞昊天上帝寧俾我遯

集傳曰滌滌言山無木川

無水如滌而除之也遯逃也言天又不肯使我得逃遯而去也

旱既大甚黽勉畏去胡

寧瘼我以旱慙不知其故祈年孔夙方社不莫昊天上帝

則不我虞敬恭明神宜無悔怒

集傳曰黽勉畏去出無所之也瘼病慙曾

也祈年孟春祈穀于上帝孟冬祈來年于天宗是也方祭四方也社祭土神也虞度也言天曾不度我之心如我之敬事明神宜可以無恨怒也旱既大甚敬無友紀鞠哉庶正疚哉

冢宰趣馬師氏膳夫左右靡人不周無不能止瞻卬昊

天云如何里

集傳曰友紀猶言綱紀或曰友疑作有庶正衆官之長冢宰又衆長之長也趣馬長

馬之官師氏掌以兵守王門者膳夫掌食之官歲凶年穀不登則趣馬不秣師氏弛其兵馳道不除祭事不縣膳夫徹膳左右布而不修大夫不食梁王飲酒不樂周叔也無不能止言諸臣無有一人不周叔百姓者無有自言不能而遂止不為也里憂也

瞻卬昊天有嘒其星

大夫君子昭假無贏大命近止無棄爾成何求為我以

矣庶正瞻卬昊天曷惠其寧

集傳曰久旱而仰天以望雨則有嘒然之明星未有

雨徵也然羣臣竭其精誠而助王以昭假于天者已無餘矣雖今死亡將近然不可以棄其前功當益求所以昭假者而修之固非求為我之一身而已乃所以定衆正也于是語終又仰天而訴之曰果何時而惠我以安

寧乎張子曰不敢斥言兩者畏懼之甚且不敢必云耳

秦仲伐西戎死之王命其子

莊伐戎破之

秦紀曰西戎殺秦仲秦仲立二十三年死于戎有子五人其長者曰莊公周宣王乃

召莊公昆弟五人與兵七千使伐西戎破之于是復予秦仲後及其先大駱地犬丘并有之為西垂大夫莊公

居其故西犬丘

秦國風無衣之詩曰豈曰無衣與子同袍王于

興師修我戈矛與子同仇

集傳曰袍襖戈長六尺六寸矛長二丈王于興師以天子

之命而興師也秦人相謂曰豈以子之無衣而與子同袍乎蓋以王于興師則將修我戈矛而與子同仇也秦人之俗大抵尚氣槩先勇力

忘生輕死故見于詩如此

豈曰無衣與子同澤王于

興師修我矛戟與子偕作

集傳曰澤裏衣也以其親膚近于垢澤故謂之澤戟車戟

也長丈
六尺

宣曰無衣與子同裳王于興師修我甲兵與子

偕行楚熊霜卒弟熊徇立

世家曰楚熊霜元年周宣王初立卒三弟爭立仲雪

死叔堪亡避難于濮而少弟季徇立是為熊徇

十有二年魯侯來朝以其子括

與戲見王王以戲為魯太子魯武公薨戲立

是為懿王

王不

籍千畝

史記曰十二年魯武公來朝宣王不修籍于千畝國語曰魯武公以括與戲見王王立戲史

記曰武公九年與長子括少子戲西朝周宣王宣王愛戲欲立戲為太子樊仲山甫諫曰不可立也不順必犯
犯犯王命必誅故出令不可不順也令之不行政之不
立行而不順民將棄上夫下事上少事長所以為順也
今天子立諸侯而建其少事教逆也若魯從之而諸侯
效之王命將有所壅若不從而誅之是自誅王命也足

事也誅亦失不誅亦失天子其圖之王卒立之又曰
宣王不籍千畝號文公諫曰不可夫民之大事在農上
帝之策盛于是乎出民之蕃庶于是乎生事之共給于
是乎在和協輯睦于是乎興財用蕃殖于是乎始教麗
純固于是乎成是故稷為大官古者太史順時視土陽
庠丁佐反墳盤土氣震發農祥晨正日月底于天廟章
昭曰農祥房星也立春之日晨中于午農事之候故曰
農祥天廟營室也孟春日會于營室土乃脉發先時
九日大史告稷曰今至于初吉陽氣俱蒸土膏其動弗
震弗渝脉其滿背穀乃不殖稷以告王曰史帥陽官以
命我司事曰距今九日土具俱動王其祗祓監農不易
王乃使司徒咸戒公卿百吏庶民司空除壇于藉命農
大夫咸戒農用先時五日瞽告有協風至王即齊宮百
官御事各即其齋三日王乃浮濯饗醴及期鬱人薦鬯
犧人薦醴王裸鬯饗醴乃行百吏庶民畢從及藉后稷
監之膳夫農正陳藉禮大史贊王王敬從之王耕一發

鉢伐二音班三之庶人終于千畝其後搜省功大史監
之司徒省民大師監之畢宰夫陳饗膳宰監之膳夫贊
王王歆大牢班嘗之庶人終食是日也瞽帥音官以省
風土廩于籍東南鍾而藏之而時布之于農稷則徧誠
百姓紀農協功曰陰陽分布震雷出滯土不備墾辟在
司寇乃命其旅曰徇農師一之農正再之後稷三之司
空四之司徒五之大保六之大師七之大史八之宗伯
九之王則大徇耨獲亦如之民用莫不震動怡恭于農
修其疆畔日服其鎛不解于時財用不乏民用和同是
時也王事惟農是務無有求利于其官以干農功三時
務農而一時講武故征則有威守則有財若是則能媚
于神而和子民矣則享祀時至而布施優裕也今天子
欲修先王之緒而棄其大功匱神之祀
而因民之財將何以求福用民王弗聽
齊胡公子弑厲
公齊人誅之而立厲公之子是為
文公誅弑君者七十人
家世

曰厲公暴虐故胡公子復入齊齊人欲立之乃與攻殺厲公胡公子亦戰死齊人乃立厲公子赤為君是為文公而誅殺厲公者七十人十有五年衛釐侯薨少子和嗣是為武公

世家曰

釐侯卒太子共伯餘立共伯弟和有寵于釐侯多予之賂和以其賂賂士改共伯于墓上共伯入釐侯墓自殺衛人因葬之釐侯旁謚曰共伯而立和為衛侯是為武公武公修康叔之政百姓和集稽古錄曰衛侯薨太子共伯早死立其弟和詩序曰栢舟共姜自誓也衛世子共伯蚤死其妻守義父母欲奪而嫁之誓而弗許故作是詩以絕之詩曰汎彼柏舟在彼中河髡彼兩髦實維我儀之死矢靡他母也天只不諒人只集傳曰髡髮垂貌兩髦剪髮夾囟子事父母之飾親死然後去之益指共伯也我共姜自我也儀匹也言栢舟則在彼中河兩髦則實我之匹雖至于死誓無他心母之于我覆育之恩如天罔極而何其不諒我之心乎不及父者

疑獨母在或非父意耳汎彼柏舟在彼河側髡彼而髡
實維我特之死矢靡慝母也天只不諒人只古史曰
武公賢者衛人謂之睿聖武公奪適之事未可遽以誣
之且詩序言共伯蚤死初無篡奪之文故史遷所載疑
而不錄子王子曰武公少年奪適之罪晚年進修之
功功罪自不相掩然武公少時必有俊邁之姿鍾愛于
其父好施養士士以是置共伯于死以成武公之立則
或有之為法受惡武公不能無罪其從共姜堅自誓之
操武公亦有修草之學復康叔之政輸定難之忠晚年
所至稱為睿聖是真有不可及者君子尚論固難以老
少相掩也十有六年晉獻侯薨子費生嗣徙都于絳是為
穆侯

記曰穆字
或作繆

十有八年蔡夷侯薨子所事嗣是為
僖侯二十有

一年魯懿公兄括之子伯御弑其君懿公而自立二十

有二年王后姜氏諫王

外紀係此年烈女傳曰周宣姜后賢而有德事非禮不言行

非禮不動宣王嘗早卧而晏起后夫人不出于房姜后既出乃脫簪珥待罪于永巷使其傳母通言于王曰妾不才妾之淫心見矣至使君王失禮而晏朝以見君王之樂色而忘德也夫苟樂色必好奢好奢必窮樂窮樂者亂之所興也原亂之興從婢子起婢子生亂當服其辜敢請婢子之罪唯君王之命王曰寡人不德實自生過過從寡人起非夫人之罪也遂復姜后而勤于政事早朝晏退繼文武之迹興周室之業卒成中興之名為周世

封弟友于鄭

鄭本西周畿內采邑其後東徙國于鄭號之間為鄭又其遺民南保漢中

者為南鄭

史記世家曰鄭桓公友者周厲王少子而

宣王庶弟也年表云母弟宣王立二十二年友初封于

鄭

二十有三年晉侯伐條生太子仇二十有四年齊文

公薨子說嗣

是為成公

二十有六年晉師戰于千畝生子成

師

左氏曰晉穆侯之夫人姜氏以條之役生太子命之曰仇其弟以千畝之戰生命之曰成師師服曰異哉

居之名子也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古

之命也今君命大子曰仇弟曰成師始兆亂矣兄其替乎愚按師服初意蓋防奪嫡之漸耳仇即文侯異日受

平王拒咎主贊之命兄固未遽替也其後曲沃之封在昭侯之世師服之言防微慮漸始切事實而曲沃終至

奪宗故後人服其先見併記其初命名之言云二十有七年宋惠公薨子嗣

是為戴公楚熊徇卒子熊罈

哀二十有八年宋哀公薨子嗣

是為戴公

楚熊徇卒子熊罈

嗣三十有二年春王伐齊誅伯御立懿公之弟稻

是為孝公

國語曰三十二年春宣王伐齊立孝公諸侯從是不睦又曰宣王欲德國子之能導訓諸侯者賈逵注

國子諸侯之嗣子韋昭曰國子謂同姓諸姬也導謂諸侯謂為州伯樊穆仲曰魯侯孝穆仲仲山父之謚王曰

何以知之對曰肅恭明神而敬事耆老賊事行刑必問于遠訓而咨于故實不千所問不犯所咨王曰然則能

訓治其民矣乃命魯孝公于夷宮祖夷王廟也世家曰宣王伐魯殺伯御問魯公子能導訓諸侯者以為魯

後樊穆仲曰魯懿公弟稱云云語同國語宣王曰然能訓治其民矣乃立稱于夷宮二出大同小異世家似得

之陳僖公薨子靈嗣是為武公曹戴伯薨子兕嗣是為惠伯三十

有三年齊成公薨子贖嗣是為莊公三十有七年燕僖侯薨

子嗣是為頃侯楚熊罥卒子熊儀嗣是為若敖三十有九年伐姜

戎王師敗績于千畝

國語與不籍千畝同事非也不籍千畝天子之籍田也此千畝地名

也四十年料民于太原

國語曰宣王既喪南國之師注謂即姜戎唐固曰南陽也乃料

民於太原太原即今原州仲山甫諫曰民不可料也夫古者不料民而知其少多司民協孤終協考比也孤幼也終死也司商協民姓今五音姓氏是也古者置官別生分類官謂之司商者沈括曰商者人聲也故以律協民姓者名焉司徒協旅協民衆為司旅司寇協奸考比罪隸刑死之類牧協職物色之數工協革牛馬羊之皮革易協入知粟數廩協出知口數是則少多死生出入往來者皆可知也于是又審之以事事即下文籍田蒐狩簡知其數王治農于藉稼于農隙耨獲亦于藉獮于既蒸狩于畢時是皆習民數者也又何料焉不為其少而大料之是示少而惡事也臨政示少諸侯避之治民惡事無以賦令且無故而料民天之所惡也害于政而妨于後嗣王卒料之从幽王乃滅四十有三

年殺杜伯

周春秋曰宣王殺杜伯而不辜後三年宣王會諸侯田于囿曰中杜伯起于道左衣朱衣

朱冠操朱弓朱矢射王中心折脊而死此說似怪見國語注大紀取之

傳注曰杜伯為宣王大夫宣王殺之

其子隰

叔奔晉 晉穆侯薨弟殤叔自立太子仇出奔四十有六

年王崩太子湫踐位

稽古錄曰宣王能慎微接下用賢使能羣臣無不自盡以奉其上內

修政事外攘夷狄復文武之克土周室中興焉

履祥按周自厲王亂政日久紀綱板蕩宣王初年有

志撥亂董生謂其周通粲然復興然政之諸書似不

克終者如廢魯適不籍千畝喪師南國料民太原殺

杜伯而非其罪大畧可見其後幽王繼之不踰十年

而君弑國亡卒以東還夫撥亂世反之正非百倍具

功不足以興廢補弊况宣王未政止于如此哉傳謂

夷厲宣幽而貪天
禍不為無謂矣

庚申幽王元年晉太子仇襲殺殤叔而立是為文侯陳武

公薨子說嗣是為夷公三年始嬖褒姒涇渭洛竭岐山崩按國

語以為幽王三年獨史記拘于國亡不過十年之說係
之二年今據國語為正本紀曰初褒人有罪請人女

子于王以贖罪是為褒姒幽王三年入後宮見而愛之
生子伯服國語曰幽王三年西周三川皆震伯陽父

曰唐固曰伯陽父周柱下史老子也周將亡矣夫天地
之氣不失其序若過其序民亂之也陽伏而不能出陰

迫而不能蒸于是有地震今山川實震足陽失其所而
鎮陰也韋氏曰鎮為陰所鎮窄也陽失而在陰源必塞

源塞國必亡夫水土演而民用足也土無所演民乏財
用不亡何待昔伊洛竭而夏亡河竭而商亡今周德若

二代之季矣其川源又塞塞必竭夫國必依山川山崩川竭亡之徵也川竭山必崩若國亡不過十年數之紀

也夫天之所棄不過其紀是歲也三川竭岐山崩十一年幽王乃滅周乃東遷四年陳夷公薨

弟樊立

是為平公

秦莊卒子嗣

是為襄公

子世父曰戎殺我大父我非

秦紀曰莊公之

殺戎王則不敢入邑遂將擊戎讓其弔襄公襄公為太子莊公卒襄公立

甲子五年廢申后

及太子宜臼以褒姒為后伯服為太子

史蘊曰周幽王伐有褒褒人以

褒姒女焉褒姒有寵生伯服于是乎與虢石甫比逐太子宜臼而立服太子出奔申申人繒入召西伐以伐周

周于是乎亡

小雅白華之詩曰白華菅兮白茅束兮之子之

遠俾我獨兮

集傳曰幽王娶申后又得褒姒而黜申后作此詩白華野草也己漚為菅之子斥幽

王俾使也我申后自我言白華為管則白茅為束二
物至微猶必相須為用何之子之遠而俾我獨耶英

英白雲露彼菅茅天步艱難之子不猶

集傳曰英英輕明貌白雲水土

輕清之氣當夜而上騰者露即其散而下降者也步行
也天步猶言時運猶圖也或云猶如也言雲之澤物無
微不被今時運艱難而之子不圖不如白雲之露菅茅也

泥池北流浸彼稻田嘯歌

傷懷念彼碩人

集傳曰泥流貌北流豐鎬之間水多北流碩人尊大之稱亦謂幽王也言小水

微流尚能浸灌王之尊大而反不能通其寵澤所以使我嘯歌傷懷而念之也

樵彼桑薪印烘

于憊維彼碩人實勞我心

集傳曰桑薪薪之善者也印我烘燎也憊無益之龜可燎

而不可烹飪者也桑薪宜以烹飪而但為燎燭以此嫡后之尊而反見卑賤也鼓鐘于宮聲聞

于外念子惛惛視我邁邁

集傳曰惛惛憂貌邁邁不顧也鼓鍾于宮則聲聞于外矣

念子惛惛而反視我邁邁何哉

有鷺在梁有鶴在林維彼碩人實勞我

心

集傳曰鷺禿鷺梁魚梁蘇氏曰鷺鶴皆以魚為食然鵠之于鷺清濁則有間矣今鷺在梁而鶴在林鷺則

飽而鵠而饑矣幽王進褒姒而黜中后譬之養鷺而棄鵠也

鴛鴦在梁戢其左翼之

子無良二三其德

集傳曰戢其左翼言不失其常也二三其德則鴛鴦之不如矣有扁

斯石履之卑兮之子之遠俾我底兮

集傳曰扁卑貌底病也有扁然而卑

之石則履之者亦卑矣如妾之賤則寵之者亦賤矣是以之子之遠俾我底也

小弁之詩曰弁

彼譽斯歸飛提提民莫不穀我獨于罹何辜于天我罪

伊何心之憂矣云如之何

集傳曰幽王太子宜臼被廢而作此詩弁飛拊翼貌驚雅

鳥小而多羣江東呼為鶻鳥斯語詞提提羣飛安間貌言弁彼驚斯則歸飛提提矣民莫不善而我獨于憂則驚斯之不如也何辜于天我罪伊何者怨而慕也奔號泣于是天曰父母之不我愛于我何哉蓋如此矣心之憂矣云如之何則知其無可奈何而安之之詞也

蹶蹶周道鞠為茂草我心憂

傷愁焉如擣假寐永嘆維憂用老心之憂矣疚如疾首

集傳曰蹶蹶平易也周道大道也鞠窮愁思擣春也不脫衣冠而寐曰假寐疚猶疾也蹶蹶周道則將鞠為茂草矣我心憂傷則愁焉如擣矣精神憤耗至于假寐之中而不忘永嘆憂之之深是以未老而老也疚如疾首則又憂之甚矣

維桑與梓必恭設止靡瞻匪父靡依匪母不

屬于毛不離于裏天之生我我辰安在

集傳曰桑梓五畝之宅樹之塙

下以為子孫給蠶食具器用者也瞻者尊而仰之依者親而倚之屬連也毛膚體之餘氣未屬也離麗也裏心腹也辰猶時也言桑梓父母所植尚且必加恭敬況父母至尊至親宜莫不瞻依也然父母之不我愛豈我不屬于父母之毛乎豈我不離于父母之裏乎無所歸咎則推之于天曰豈我生時不善哉何不祥之是也

彼柳斯鳴蜩嘒嘒有漙者淵萑葦淠淠譬彼舟流不知

所屆心之憂矣不遑假寐

集傳曰菀茂盛貌蜩蟬也漙深貌淠淠衆也萑彼柳斯則

鳴蜩嘒嘒矣有漙者淵則萑葦淠淠矣今我獨見棄逐如舟之流于木中不知其何所至乎是以憂之之深昔猶假寐而鹿斯之奔維足伎伎雉之朝雉尚求其雌譬

今不暇也

彼壞木疾用無枝心之憂矣寧莫之知

集傳曰伎伎舒貌宜疾而舒留

其羣也雖堆鳴壞傷病鹿斯之奔則足伎伎然雉之朝雖亦知求其匹配今我獨見棄逐如傷病之木惟悴而無枝是以憂之相彼投兔尚或先之行有死人尚或瑾而人莫之知也

之君子秉心維其忍之心之憂之涕既隕之

集傳曰投奔行道瑾

埋也相彼被逐而投人之兔尚或有哀其窮而先脫之者道有死人尚或有哀其暴露而理藏之者蓋皆有不忍之心焉今王信讒棄逐其子曾視投兔死人君子信之不如則其秉心亦忍矣是以心憂而涕隕也

讒如或疇之君子不惠不舒究之伐木掎矣折薪地矣

舍彼有罪子之他矣

集傳曰疇報掎倚也以物倚其巔也地隨其理也他加也言王惟讒

是聽如受購爵得即飲之曾不加惠愛舒緩而究察之
夫苟舒緩而究察之則讒者之情得矣伐木者尚倚其
巔折薪者尚隨其理皆不妄挫折之今乃舍彼有罪
之讚人而加我以非其罪曾伐木折薪之不若也 莫

高匪山莫浚匪泉君子無易由言耳屬于垣無逝我梁

無發我筍我躬不閱遑恤我後

集傳曰山極高矣而或失其巔泉極深矣而或

入其底故君子不可易于其言恐耳屬于垣者有所觀望左右而生讒潛也王于是卒以褒奴為后伯服為太子故告之曰毋逝我梁毋發我筍我躬不閱遑恤我後也
高子曰小弁小人之詩也孟子曰何以言之曰怨曰因哉高叟之為詩也有入此越人闔弓而射之則已諛笑而道之無他疏之也其凡闔弓而射之則已垂涕泣而道之無他戚之也小弁之怨親親也親親仁也固矣夫高叟之為詩也曰凱風何以不怨曰凱風親之過

小者也小弁親之過大者也親之過大而不怨是愈疏也親之過小而怨是不可磯也愈疏不孝也孔子曰舜其至孝矣五十而慕

六年十月辛卯朔日有食之

小雅十月之交篇曰十月之交朔日辛卯日有食之亦

孔之醜彼月而微此日而微今此下民亦孔之哀

集傳曰十

月以夏正言之建亥之月也交日月交會謂晦朔之間也歷法周天三百六十五度四分度之一左旋于地一晝一夜則其行一周而又過一度日月皆右行于天一晝一夜則日行一度月行十三度十九分度之七故日一歲而一周天月二十九日有奇而一周天又逐及于日而與之會一歲凡十二會方會則月光都盡而為晦

已會則月光復蘓而為朔朔後晦前各十五日日月相
對則月光正滿而為望晦朔而日月之合東西同度南
北同道則月揜日而日為之食望而日月之對同度同
道則月亢日而月為之食是皆有常度矣然王者修德
行政用賢去姦能使陽盛足以勝陰陰衰不能侵陽則
日月之行雖或當食而月常避日故其遲速高下必有
參差而不正相合不正相對者所以當食而不食也若
國無政不用善使臣子背君父妾婦棄其夫小人陵君
子夷狄侵中國則陰盛陽微當食必食雖曰行有常度
而實為非常之變矣蘇氏曰曰食天變之大者也然正
陽之月古尤忌之夏之四月為純陽故謂之正月十月
純陰疑其無陽故謂之陽月純陽而食陽弱之甚也純
陰而食陰壯之甚也微虧也彼月則宜有時而
虧矣此日不宜虧而今亦虧是亂亡之兆也

日月告

凶不用其行四國無政不用其良彼月而食則維其常此

日而食于何不臧

集傳曰行道也凡日月之食皆有常度矣而以為不用其行者月不避日

失其道也然其所以然者則以四國無政不用善人故也如此則日月之食皆非常矣而以月食為常日食為不臧者陰亢陽而不勝猶可言也陰勝陽而揜之言也故春秋曰食必書而月食則無紀焉亦以此爾

燬

燬震電不寧不令百川沸騰山冢萃崩高岸為谷深谷為

陵哀今之人胡憯莫懲

集傳曰燬震電光貌寧安徐也令善沸出騰東也山頂曰冢萃

崔嵬也高岸崩陷故為谷深谷填塞故為陵憯曾也言非但日食而已十月而雷電山崩水溢亦災異之甚者
是宜恐懼修省改紀其政而幽王曾莫之懲也董子曰國家將有失道之賊而天乃先出災異以譴告之不知自省又出怪異以警懼之尚不知變而傷敗
乃至此見天心仁愛人君而欲止其亂也

皇父卿士

番維司徒家伯冢宰仲允膳夫聚子內史蹶維趣馬攝

維師氏豔妻煽方處

集傳曰皇父家伯仲允皆字也番聚蹶攝皆氏也卿士六卿之外更

為都官以總六官之事也或曰卿士蓋卿之士周禮大宰之屬有上中下士公羊所謂宰士左氏所謂周公以蔡仲為已卿士是也蓋以宰屬而兼總六官位卑而權重也司徒掌邦教冢宰掌邦治皆卿也膳夫上士掌王之飲食膳羞者也內史中大夫掌爵祿廢置殺生予奪之法者也趣馬中士掌王馬之政者也師氏亦中大夫掌司朝得失之事者也美色曰豔豔妻即褒姒也煽職也方處方居其所未變徙也言所以致變異者由小人用事于外而嬖妾蠱惑王心于內以為之主故也

抑此皇父宣曰不時胡為我

作不即我謀徹我牆屋田卒汙萊曰予不戕禮則然矣

集傳曰抑發語詞時農隙之時作動即就卒盡也汙停水萊草穢戕害也言皇父不自以為不時欲動我以徙而不與我謀乃遽徹我牆屋使我田不獲治卑者汙而高者萊又曰非我戕汝乃下供上役之常禮耳皇

父孔聖作都于向擇三有事亶侯多藏不愆遺一老俾

守我王擇有車馬以居徂向集傳曰孔甚聖通明都大邑也周禮畿內大都方百

里小都方五十里皆天子公卿所封向地名在東都畿內今孟州河陽縣是也三有事三卿也亶言侯維藏蓄

也愆者心不欲而自強之詞有車馬者亦富民也徂往也言皇父自以為聖而作都則不求賢而但取富人以

為卿又不自強留一人以衛天子但有車馬者黽勉從

則悉與俱往不忠于上而但知貪利以自私也事不敢告勞無罪無辜讒口囂囂下民之孽匪降自天

死史伯對曰王室將卑戎翟必昌不可偏也偏迫也當
成周者南有荆蠻中呂應鄧陳蔡隨唐北有衛燕翟鮮
虞潞洛泉徐蒲西有虞虢晉隗霍楊魏芮東有齊魯曹
宋滕薛鄒莒是非王之支子母弟甥舅也則皆蠻荊戎
翟之人也非親則頑不可入也其濟洛河潁之間乎是
其子男之國虢鄒為大虢叔恃勢鄒仲恃險是皆有驕
侈怠慢之心而加之以貪冒君若以周難之故寄孥與
賄焉不敢不許周亂而弊是騷而貪必將背君君若以
成周之衆奉辭伐罪無不克矣若克二邑鄒蔽補丹依
蹶歷莘君之土也若前莘後河右洛左濟莘莘園也主
茅駝而食漆洧茅駝山名修典刑以守之唯是可以少
固公曰南方不可乎對曰夫荊子熊嚴生子四人伯霜
中雪叔熊季糾叔逃難于濮而蠻季糾是立蓮氏將起
之禍又不克是天啟之心也又甚聰明和協蓋其先王
臣聞之天之所啟十世不替夫其子孫必光啟土不可
偏也且重黎之後也夫黎為高辛氏火正以淳耀懋大

天明也德光昭四海故命之曰祝融其功大矣夫成天地之大功者其子孫未嘗不章虞夏商周是也虞幕能聽協風以成樂物生者也幕舜之先所謂自幕至于瞽瞍無違命者也韋說非夏禹能單平水土以品處庶類者也商契能和合五教以保于百姓者也周棄能播殖百穀疏以衣食民人者也其後皆為王公侯伯祝融亦能昭顯天地之光明以生柔嘉材者也其後八姓于周未有侯伯佐制物于前代者是昆吾為夏伯矣大彭豷韋為商伯矣當周未有已姓昆吾蘇顧溫董董姓醯夷恭龍則夏滅之矣彭姓彭祖豷韋諸稽則商滅之矣禿姓舟人則周滅之矣姁姓鄒鄒路偁陽曹姓鄒莒皆為采衛或在王室或在夷翟莫之數也而又無令聞必不與矣斟姓無後融之興者其在芋姓乎芋如夔越不足命也蠻芋蠻矣惟荆實有昭德若周哀其必興矣姜嬴荆芋實與諸姬代相芋也姜伯夷之後也嬴伯翳之後也伯夷能禮于神以佐堯者也伯翳能議百物以佐舜者

也其後皆不失祀而未有興者周衷其將至矣公曰謝
西之九州何如謝宣王之鄭申伯之國今在南陽二千
五百家為州對曰其民皆貪而忍不可因也惟謝郟之
間其冢君侈驕其民怠沓其君而未及周德若更君而
周訓之是易取也且可長用也公曰周其弊乎對曰殆
于必弊者大誓曰民之所欲天必從之今王棄高明昭
顯而好醜惡暗昧惡角犀豐盈而近頑童窮固去和而
取同夫和實生物同則不繼以它平它謂之和故能豐
長而物生之若以同裨同盡乃棄矣故先王以土與金
木水火雜以成百物是以和五味以調口剛四支以衛
體和六律以聽耳正七體以役心平八索以成人建九
紀以立純德七體七竅也八索八體應八封九紀九職
也合十數以訓百體出千品具萬方計億事材兆物收
經入行域極故王者居九峻之田收經入以食兆民周
訓而能用之蘇樂如一夫如是蘇之至也于是乎先
王聘后于異姓求財于有方擇臣取諫工而講以多物

務和同也聲一無聽物一無文味一無果物一不講講
校也王將棄是類而與剝同天奪之明無弊得乎夫號
石父讒諂巧從之人也而立以為卿士與剝同也葉聘
后而立內妾好窮固也固陋也株儒戚施實御在側近
頑童也周法不昭而婦言是行用讒慝也不建立卿士
而妖試幸措行暗昧也是物也不可以久且宣王之時
有童諶曰檠弧箕服實亡周國于是宣王聞之有夫婦
驚是器者王使執而戮之府之小妾生女而非王子也
懼而棄之此人也叔以奔褒此下有褒神化為二龍藏
檠于櫛三代傳之厲王發之化為玄龜入于王府童妾
遭之遂生褒姒之說怪誕不取褒姒有獄而以為入于
王王遂置之而嬖是女也使至于為后而生伯服天之
生此久矣其為毒也大矣將俟淫德而加之焉毒之苗
腊者其殺也滋速申繒西戎方強王室方騷將以縱欲
不亦難乎王欲殺太子以成伯服必求之申申人弗畀
必伐之若伐申而縞與西戎會以伐周周不守矣繒與

西戎方將德申申呂方強其隩愛太子亦不可知也王
師若在其救之亦必然矣王心怒矣虢公從矣凡周存
亡不三稔矣君若欲避其難速規所矣時至而求用恐
無及也公曰若周衰諸姬其孰與對曰臣聞之武實昭
文之功文之祚盡武其嗣乎武王之子應韓不在其在
晉乎距險而隣于小若加之以德可以大啟公曰姜嬴
其孰與對曰夫國大而在德者近與秦仲齊侯姜嬴之
雋也且大其將興乎公說及東寄孥與賄虢鄆受之十
邑皆有奇北幽王八年而桓公為司徒九年而王室始
騷十一年而斃及平王末而秦晉齊楚代興秦景襄于
是乎取周土晉文侯于是乎定天子齊莊
僖于是乎小伯楚汾胃于是乎始啟濮

履祥按史伯之言該矣周之士大夫大夫率多賢能守
職自幽厲聽用小心雖有賢士大夫在于其職而無
救于亡甚矣君心所係大也史伯之言紀錄者亦或
有所附會其論扣同謂幽王不能用衆而外專于虢石

父內專于褒姒也其勸鄭伯寄孥于鄆鮑蓋陰為取國之計而史謂鄆號叛鄭鄭武公伐滅之夫寄孥賄以誘之伺隙而取之是術也而史不悟何哉于是南

十有一年申侯與犬戎入寇戎弑王于驪山之下鄭伯

友死之晉衛秦皆以兵來救平戎與鄭子掘突共立故

太子宜臼

史記曰褒姒不好笑幽王欲其笑萬方致之不笑幽王為燧燧大鼓有寇至則舉燧火諸

侯悉至至而無寇褒姒乃大笑幽王說之為數舉燧火其後不信諸侯蓋亦不至幽王以號石父為卿用事國人皆怨石父為人佞巧善諛好利王用之又廢申后去太子也申侯怒與緡西夷犬戎攻幽王幽王舉燧火兵莫至遂殺幽王驪山下虜褒姒盡取周賂而去于是諸侯乃即申侯而共立故太子宜臼是為平王以奉周祀

鄭氏家曰犬戎殺幽王于驪山下并殺桓公鄭人共立其子掘突是為武公 衛世家曰衛武公四十二年犬戎殺周幽王武公將兵佐周平戎甚有功平王命武公為公 秦紀曰周幽王用褒姒廢太子數欺諸侯諸侯叛之西戎犬戎與申侯伐周殺幽王而秦襄公將兵救周戰甚力有功

履祥按史遷不考之于書故晉文侯仇之功不紀

劉道原曰汲冢紀年幽王死申侯立平王于申號公立王子余二王並立余為晉文侯所殺是為攜王與舊史不同

辛未平王元年王東遷維邑始命秦列為諸侯取岐

豐之地命衛侯和為公錫命晉侯鄭伯東取鄆號十邑

國之

左氏曰我周之東遷晉鄭馬依大紀謂鄭武公收其父散兵東迎平王于申 史記年表曰平王元

年東徙雒邑 本紀曰平王立東遷于雒邑辟戎寇平王之時周室衰微諸侯強并弱齊楚秦晉始大政由方伯 秦紀曰周辟大戎難東徙雒邑襄公以兵送周平王平王封襄公為諸侯賜之岐以西之地曰戎無道侵奪我岐豐之地秦能攻逐即有其地與誓封爵之襄公公于是始國與諸侯通使聘享之禮 經世曰平王錫晉文秦襄命秦分岐西晉分河內 書文侯之命篇曰王若曰父義和

丕顯文武克慎明德昭升于上敷聞在下惟時上帝集

厥命于文王

德指行而言明指知而言一說謹德指行而言明德指知而言呂氏曰文武之精蘊

平王何足以知之其言乃若知本原者蓋生長保傳之間老師宿儒之傳尚無差也平王徒舉其語而不能察耳降是則異端並作言帝王者始文矣蔡氏曰同姓故稱父文侯名仇義和其字不名尊之也愚按晉侯初名

仇師服以為異今日曰義和或其後
改之也父猶尚父之謂蓋尊之也

亦惟先正克左右昭

事厥辟越小大謀猷罔不率從肆先祖懷在位

先正修文武之

臣小大謀猷猶云文武之道大者小者肆遂懷安也言文武以大德受命亦惟先正之臣又能左右之昭事之凡小大謀烈皆遵守而不失遂

嗚呼閔予小子嗣造天

丕愆殄資澤于下民侵戎我國家純即我御事罔或者

壽俊在厥服予則罔克曰惟祖惟父其伊恤朕躬嗚呼

有績予一人永綏在位

造作愆謹殄絕純大伊誰也平王自言即位之初自造天之

謹言父死國敗由已致之惟資澤竭于下民故戎得以侵伐我國家之大此戎禍之由也通我執事之人無有

耆壽俊傑之在職者而予又無克亂之才惟曰誰侯之在我祖父列者其誰恤我乎嗚呼使有能致績于予一人者則可以安吾位矣章內兩嗚呼大亂之餘不覺嘆傷之意也

父義和汝克昭乃顯

祖汝肇刑文武用會紹乃辟追孝于前文人汝多修扞

我于艱若汝子嘉

乃祖唐叔也肇始刑法也謂文侯能昭光唐叔之功文武之道已墜而自

文侯始能刑法之用會合諸侯立己以紹周之統使追孝于前文人汝多能修補扞衛我于艱危之交若汝文侯子所深嘉蓋平王望諸侯而不至故深有感于文侯也當時秦鄭衛皆來救而此獨歸于晉曰用會紹乃辟必文侯首倡大義會合之也王曰父義和其歸視爾師寧爾邦用賚

爾秬鬯一卣彤弓一彤矢百盧弓一盧矢百馬四匹父

往哉柔遠能迺惠康小民無荒寧簡恤爾都用成爾顯

德

秬黑黍鬯香草用黑黍為酒釀以香草中尊諸侯受錫命當告于祖廟故錫之弓矢乘馬皆所以賞之

簡謂

閔士恤謂愛民

大紀曰賜以河內附庸晉于是

始大

蘇氏曰子讀文侯篇知東周之不復興也宗周

傾覆禍敗極矣平王宜若衛文公越句踐然今其書乃

施施焉與平康之世無異春秋傳曰厲王之禍諸侯釋

位以問王政宣王有志而後效官讀文侯之命知平王

之無知也

呂氏曰風氣之推移治道之開塞必于其

會而觀之此篇作于東遷之初由此而上則為成康為

文武由此而下則為春秋為戰國乃消長升降之交會

也故法語舊典尚有一二未泯而陵遲頹隋之意亦已

見于辭命之間矣平王東遷之初大仇未報王畧未復

正君臣坐薪嘗膽之時奔亡之餘僅得苟安乃君臣釋

然自以為足曰父義和具歸視爾師寧爾邦兵已罷矣

日用資爾拒魯一亩形虛弓一矢百馬四匹功已報矣
曰父往哉柔遠能邇惠康小民無荒寧教之以平世之
政軍旅不復講矣曰簡恤爾都用成爾顯德勉之以本
邦之治王室無復事矣嗚呼周之君臣如此周其終于
乎東

履祥按東遷之君臣皆非有中興之才志平王顧隋
前儒固論之矣當是時定難立君惟秦晉鄭衛四國
耳秦襄公與西戎世為不共戴天之讐其勢亦不兩
立其與戎力戰固亦為己不獨為王室也平王以岐
豐之地予之使之自取當時犬戎盤據岐豐之郊平
王不得不以許秦秦亦不得不取之然西戎方熾父
子力戰二十一年而始得之固不暇東畧矣觀其墟
于郊祀則無王之心固可見也周室都洛則晉居河
北表裏山河是為屏輔文侯周忠賢然其前有殤叔
之難其後有曲沃之封晉文始替實自是始平王所

于文侯者亦固不以興復期之則其委任可知矣平
王申出鄭武公娶于申武公當桓公敗亡之時收合
餘衆已不能全又散為南鄭而武公以婚姻之故迎
王于申立之東取虢鄆以為已國此其志願已足矣
獨衛武公之賢足以有為然觀平王成申之志則其
依鄭之心可推也想其柄任在于鄭武所以終平王
之世鄭伯父子世于其職衛武雖賢其柄任未必在
是況周自中葉以後其公卿之士大率可以守常而
短于制變當是時屬幽再世失民而犬戎之禍又熾
類非諸公所能獨辦自四國之外又未有至者或謂
平王當時何不奉辭伐命以討不至之國則王威可
以振是不然當時周室之大患在犬戎而不在諸侯
而召戎之大罪又在申侯而不在諸侯也制戎國不
暇矣平王懷申侯全己之功又依鄭武申好之國捨
申不伐則何以伐其餘諸侯而令之哉東
遷君臣事勢如此此所以不復中興也

秦祠上帝于西時

時者時工為高也

史記曰秦用駟

曰立西時祠白帝

太史公曰余讀至犬戎敗幽王周

東徙洛邑秦襄公始封為諸侯作西時用事上帝嚮端

見矣禮曰天子祭天地諸侯祭其域內名山大川今秦

雜戎翟之俗先暴戾後仁義位在藩臣而廬于郊祀君

子懼

二年魯孝公薨子弗湟嗣

是為惠公

四年燕頃侯薨子

為

嗣

是為哀侯

五年秦襄公伐戎至岐薨子嗣

是為文公

太

壞得銅鼎狀方而四足銘曰大王遷

宋戴公薨子司空

洛岐鄆錫公秦之幽宮賜藏于中

嗣

是為武公

詩序曰自微子至于戴公其間禮樂廢

嗣懷有正考甫者得商頌十二篇于周之大師以卬為

首

六年燕哀侯薨子鄭侯嗣七年楚若敖卒子熊坎嗣

嗣是為九年蔡僖侯薨子興嗣是為秦東徙汧渭之會

史記曰秦襄公十二年伐戎至岐卒生文公文公元年居西垂宮三年文公以兵七百人東獵四年至汧渭之會曰昔周邑我先秦嬴于此後卒獲為諸侯乃卜居之占曰吉即營邑之十有一年蔡共侯

薨子嗣是為曹惠伯薨子石甫嗣其弟武弑之而自立

是為穆公十有三年衛武公薨子揚嗣是為莊公楚左史

數九十有五矣猶箴儆于國曰自卿以下至于師長士苟在朝者無謂我老耄而舍我必恭恪于朝朝夕以交戒我聞一二之言必誦志而納之以訓道我在與有旅賁之規位宁有官師之典倚几有誦訓之諫居寢有諝御之箴臨事有瞽史之道宴居有師工之誦史不失書矜不失誦以訓御之子是乎作懿戒以自儆也及其沒

也謂之獻聖武公懿即今大雅抑詩也章昭曰懿讀為抑侯包曰衛武公行年九十有五猶使人日誦是詩而不離于側董氏曰序楚霄敖卒子熊嗣是為十有四年說為刺厲王者誤矣

曹穆公薨子終生嗣

是為桓公

十有五年秦作鄜

詩史記曰秦文公

薨黃蛇自天下屬地其口止于鄜衍文公問史敦敦曰此上帝之徵君其祠之于是作鄜時用三牲郊祭白帝

焉十有六年陳平公薨子圉嗣

是為文公

十有八年秦初有

史以紀事

秦紀曰秦文公十三年初有史以紀事民多化者陳氏曰秦自秦仲至文公而後始有

史僻遠晚興者也至于史法亦不盡循周制晉竹書曲沃莊伯十一年十一月則用夏正為歲昔小注云莊伯之十一年十一月隱公之元年正月也見左傳後序而秦譜至宣公初志閏月又改歷矣二十有一

年秦伯大敗戎師收岐西之地自岐以東歸于王

本紀曰秦

文公十六年以兵伐戎戎敗走于是文公收周餘民有之地至岐岐以東獻之周

蔡戴侯薨子

考父嗣

是為宣侯

二十有三年宋武公薨子力嗣

是為宣公

二十

有五年晉文侯薨子伯嗣

是為昭侯

秦初有三族之罪二十

有六年晉侯封其叔父成師于曲沃

左氏曰晉始亂故封桓叔于曲沃靖

侯之孫樂賁傳之師服曰吾聞國家之立也本大而末

小是以能固故天子建國諸侯立家卿置側室注衆子

也得立此官大夫有戚宗士有隸子弟今

晉甸侯也而建國本既弱矣其能久乎

詩揚之水

篇曰揚之水白石鑿鑿素衣朱襮從子于沃既見君子

云何不樂揚之水白石皓皓素衣朱繡從子于鵠既見

君子云何其憂揚之水白石粼粼我聞有命不敢以告

人

集傳曰晉昭侯封桓叔于曲沃其後沃盛強而晉微弱國人將叛而歸之

椒聊篇曰椒

聊之實蕃衍盈升彼其之子碩大無朋椒聊且遠條且

椒聊之實蕃衍盈匊彼其之子碩大且篤椒聊且遠條

且

陳與可曰椒指晉昭也彼其之子指曲沃也聊微畧之語也謂椒之微小其蕃衍不過盈升而已而彼其

之子則碩大無朋椒之聊小乎其能遠條乎以此晉昭之微弱而曲沃之碩大如此晉其能久遠乎序義失之

陳文公薨子鮑嗣

是為桓公

二十有七年鄭武公薨子寤生

嗣

是為莊公

二十有八年鄭伯封其弟段于京

左氏曰初鄭武公娶于申

曰武姜生莊公及共叔段莊公寤生驚姜氏故名寤生惡之愛段欲立之亟請于武公弗許及莊公即位為之制公曰制巖邑也號叔死焉佗邑唯命請京使居之謂之京城大叔祭仲曰都城過百雉國之害也先王之制大都不過參國之一中五之一小九之一今京不度非制也君將不堪公曰姜氏欲之焉辟害對曰姜氏何厭之有不如早為之所無使滋蔓蔓難圖也蔓草猶不可除況君之寵弟乎公曰多行不義必自斃子姑待之莊公初意本美然不能處之祭仲只論利害三十年衛公不明美理莊公因此乃有養成其惡之意

子州吁阻兵

左氏曰衛莊公娶于齊曰莊姜美而無子衛人所為賦碩人也戴嬌生桓公莊姜以

為己子公子州吁嬖人之子也有寵而好兵公弗禁莊姜惡之石碏諫曰臣聞愛子教之以義方弗納于邪驕

奢淫佚所自邪也四者之來寵祿過也為父者本非欲
納其子于邪為寵過而驕此子之所由邪也將立州吁
乃定之矣若猶未也階之為禍夫寵而不驕驕而能降
降而不憾憾而能矜者鮮矣矜重也且夫賤妨貴少陵
長遠間親新間舊小加大淫破義所謂六逆也君義臣
行父慈子孝兄愛弟敬所謂六順也去順效逆所以速
禍也君人君將禍是務去而速之母乃不可乎楚蚡冒
弗聽其子厚與州吁遊禁之不可桓公立乃老楚蚡冒
卒弟熊通弑太子而自立是為武王世家曰蚡冒十
七年卒弟熊通弑蚡冒子而
代立是為楚武王其僭王
在春秋之世語見世家

三十有二年晉大臣潘父弑

其君昭侯納曲沃成師不克國人立昭侯之子平

是為孝侯

誅潘父

世家曰昭侯元年成師封曲沃號為桓叔是時年五十八矣好德晉國之眾皆附焉君子曰晉

之亂其在曲沃矣未大于本而得民心不亂何待七年
晉大臣潘父弑其君昭侯而迎曲沃桓叔桓叔欲入晉
晉人發兵攻之桓叔敗還歸曲沃晉人共立昭侯子
平為君是為孝侯誅潘父子平經世大紀皆作弟世家
藉古錄作
子為是 三十有六年衛莊公薨子完嗣是為三十有

八年衛州吁出奔

世家曰桓公二年弟州吁驕奢桓公紂之州吁出奔

四十年齊

莊公薨子祿甫嗣

是為舊公

晉曲沃成師卒子鱣代

是為曲沃莊伯

四十有二年宋宣公薨舍其子與夷而立弟和

是為武公大

紀附正考父三命事

燕鄭侯薨子嗣

是為穆侯

四十有四年鄭叔段命

西鄙北鄙貳于已

左氏曰大叔命西鄙北鄙貳于已公子呂曰國不堪貳君將若之何欲與

大叔臣請事之弗與則請除之
無生民心公曰無庸將自及

四十有七年晉曲沃緡

入翼弑其君孝侯國人逐之立其君之子郕

是為郕侯

四十

有八年魯初請郊廟之禮

孔子曰我觀周道幽厲傷之吾舍魯何適矣魯之郊禘非

禮也周公其衰矣

外紀曰

初魯惠公使宰讓請郊廟之禮于天子王使史角往魯公止之其後在魯路史

曰劉原父謂使魯郊者在周而必非成王蓋平王以下固亦未之悉爾始魯惠公使宰讓請郊廟之禮于天子

天子使角往止之其後在魯于是有墨翟之學魯之用郊正亦始于此矣夫惠公之止之則是周不與之矣不

與而魯用郊自川之也昔者荆人請大號周人不許荆人服之然而魯之郊禘可知矣惠公之請由平王世也

陳氏曰諸侯之有郊禘東遷之僭禮也史曰秦襄始列于諸侯作西峙祠白帝僭端見矣位在藩臣而廕于

郊祀君子懼焉則平王以前未有也魯之郊禘惠公請之也惠公雖請之而魯郊猶未率為常也僖公始作頌以郊為夸焉記禮者以為魯禮皆成王賜之以康周公按衛祝鮀之言曰周公相王室以尹天下于周為睦分魯公以大路大旂夏后氏之璜封父之繁弱殷氏六族以昭周公之德予之土田陪敦祝宗卜史傳物典冊官司彝器則成王命魯不過如此隱公考仲子之宮問羽數于衆仲周公閱來聘饗有昌歆白黑彤鹽周公以為備物解不敢受衛甯武子來聘宴之賦湛露及彤弓武子不答賦曰諸侯朝正于王于是賦湛露諸侯敵王所愾而獻其功于是乎賜之彤弓假如記禮之言得用郊禘魚四代服器則祝鮀不應不及况魯行天子之禮久矣隱公何以始問羽數問何以辭備物之享甯武子何以致譏于湛露彤弓于以見魯僭未久上自天子之宰至于兄弟之國之卿苟有識者皆疑怪遜謝而魯人並無一語及于成王之賜以自解故郊禘之說常從劉恕

倘自史角之事之外別有傳記與
明堂位合則外紀豈獨遺佚乎

魯惠公薨國人立其

子息姑

是為隱公

左氏曰惠公元妃孟子孟子卒繼

曰為魯夫人故仲子歸于魯生桓公而惠公薨是以隱
公立而奉之陳氏曰古者諸侯不再娶再娶亦妾也隱
桓之母俱不得為夫人子王子曰甚矣左氏之好誣也
嬰兒之生其手安得有四字之文隱公將遊園焉而遇
殺無後其後魯之君大夫皆桓子孫世為是說以證仲
子之正桓之嫡而文其弑君之罪耳左氏不辨其誣而
錄之妻矣公羊氏曰隱長又賈請大夫拔隱而立之
隱于是焉而辭立則未知桓之將必得立也且如桓立
則恐諸大夫之不能相幼君也故凡隱之立為桓立也
殺梁氏曰孝子揚父之美不揚父之惡先君之欲與
桓非正也邪也雖然既勝其邪心以與隱矣已探先君
之邪志而遂以與桓則是成父之惡也兄弟天倫也為

子受之父為臣受之君已廢天倫而忘君父以行小惠由小道也若隱者可謂輕千乘之國蹈道則未也

履祥按古者諸侯一娶九女一嫡以其娣姪從他國亦以娣姪膠馬所以備內官防天折繁子孫也故諸

侯不再娶有嫡立嫡無嫡立庶庶均立賢賢均立長

惠公元妃

孟子卒繼室以聲子生隱公則隱公固常

出五者

仲子之歸宋武公以夫人嫁之魯惠公以夫人

遠之夫

亦以夫人贈之非正矣于公議則非正然

隱公則不

敢以為正也惟有遜國而已矣隱公不敢

自以為

攝位君國將以子桓蒐衰之營未畢而卒

遷其為

罹禍此世道之大

變也此春秋所為託始也

資治通鑑前編卷九